

Ke Eng Se Se Kgathang Mo Thabeng?

Jeffersonville, Indiana USA

65-0725E

1 Dumela fela, dumela fela,
Dilo tsotlhe di lokile, dumela fela.

Jaanong a re obeng ditlhogo tsa rona.

Rara Modimo, ke yone thapelo ya rona e e tlhoafetseng mo bosigong jono, fa re bona tsotlhe tse o di direlang batho mo letsatsing leno. Gape re a go kopa, Morena, e kete re ka dumela fela, gore ke Boammaaruri, Lefoko le le kwadilweng le le supiwang mo go rona. Re neye dilo tse, Rara.

Jaanong mo bosigong jono re batla go go leboga ka lebaka la—Lesedi le o le tsentseng mo Dikwalong mo mosong ono. Mme re rapela mo bosigong, jono, Morena, mo moleng o wa thapelo, gore o tla tlhomamisa gore Lefoko la Gago ke Boammaaruri.

Re rapelela dikereke tsotlhe le diphuthogo tse di neng di phuthegile go dikologa di—di-microphone—tse dinnye go ralala naga, go tswa kwa nageng, go ya go tsena kwa letshitshing la bophirima, go tsena kwa dithabeng tsa Arizona, go tsena kwa dipoeng tsa Texas, go tsena kwa letshitshing la botlhaba, go ralala naga yotlhe, Morena, koo ba neng ba phuthegile teng. Re katologanye ka nako, mme Morena re mmogo rele selopo sengwe mo bosigong, re le badumedi ba ba letetseng go tla ga Mesia. Re a rapela Rara wa Legodimo, gore o Mo romele go tla go tsaya Kereke ya Gago mo nakong e e sa fediseng pelo. Re kopa se mo Leineng la Gagwe. Amene.

2 Le ka nna fa fatshe. Re dumedisa Bakeresete botlhe ba ba leng fano mo bosigong jono. Ke maswabi gore re sa ntse re pitlagane mo re sa kgoneng go hema. Tota le difetla phefo tse di tsidifatsang, le phefo e e tswang mo go tsone, ga di kgone go isa phefo e e tsididi ko bathong ba ba ntsi. Fa e le gore kereke e ne e tletse batho ka fa go tlwaelesegileng, difetlha phefo e e tsididi tseo di ne di ka go gatsetsa. Mme jaanong mongwe le mongwe o na le fene, e e fokang, mme sefetlha phefo e e tsididi se foka ka fa se ka kgonang.

Re romela ditumediso go tswa kwa East Coast tle kwa West, ko ditsaleng tsotlhe tsa rona mo Moreneng, ba ba reeditseng. Re romela madume kwa San Jose, Mokaulengwe Borders, setlhopha se se koo. Re romelela madume ko go Mokaulengwe Leo Mercier le setlhopha sa gagwe ba ba emetseng go tla ga Morena ditumediso kwa dithabeng tsa Prescott, Arizona. Re romela madume tsa rona kwa go ba ba kwa Tucson, ba ba phuthegetseng fano bosigong jono, ba letetse go tla ga Morena. Go ya kwa Houston, Texas, ko go ba ba letetseng go tla ga Morena. Le kwa godimo kua Chicago, go bao ba letetseng go Tla ga Morena. Ko godimo kwa East Coast, New York le Connecticut, le ditlhopha tse dikgolo koo, tse di letetseng go Tla ga Morena. Ga re na lefelo fano le ba ka nna mo go lone, ka jalo re tla tshwanelwa ke go ba romelela Lefoko ka—ka go ba gokegelela mo megaleya phone. Re romela madume ko go Mokaulengwe Junior Jackson le setlhopha sa gagwe kwa Clarksville. Mokaulengwe Ruddell, yo o kwa godimo ko 62, le sethopho sa gagwe, ba letetse go Tla ga Morena. Mme re kokoane fano bosigong jonomo kerekeng ya mo gae, mo motlaaganeng, re emetse go Tla ga Morena.

3 Mme jaanong, ba le bantsi ba lona le ka tswa le ne le sa tsenelela ditirelo tse di neng di le mo mosong ono. Mme ke tshepa gore mongwe le mongwe, yo o neng a seyo, o tla amogela theipi eo, gonne ke dumela gore e ne e le Molaetsa o o tlhamaletseng go feta yotlhe go ya kerekeng fa_fa e sale Molaetsa wa *Barena, What Time Is It?* Ke ne ka ikutlelela ke na le tlotso ya Mowa, ke ne ka ikutlwa ke tlhotlhetsetsega go bua se ke neng ka se dira. E ne e le telele, mme e tswa ke ne ka ikutlwa ke ne patelesega go e dira. Mme ke akanya gore Morena, ka Lefoko la Gagwe, o bontshitse gore re tshela mo nakong efe. Mme o tlhomamisa gore re tlhologanya dilo tse tsa masaitsiweng tse di diragalang. A o itse gore Baebele ya re, "Ba ba botlhale ba tla tlhologanya".

Mme merafe le batho ba tla nna "ba le bokoa e bile ba le botlhale". Akanya fela, gore Moamerika o tsena mo dingwageng tsa bogare a le dingwaga di ka nna masome a mabedi, a le bokoa mme a le botlhale. Ba ne ba se na difofane tsa jete mo dinakong tseo, le—le dibetsa tsa atomo, mme ba ne ba tshela lebaka le leleele. Re ntse re a koafala gape re nna botlhale, mme botlhale ja rona ke jone jo bo tsileng go re nyeletsa. Re tla inyeletsa. Modimo ga a ketla a re nyeletsa; botlhale ja rona bo tla re nyeletsa. Go nna go ntse jalo ka nako tsotlhe, mme go tla nna jalo gape.

4 Jaanong, fa Morena a rata, mo mosong wa Tshipi e e latelang, ke sa itse gore ke tla bua ka eng, mme ke tshepa gore Morena, fa a re letla go tshela mme go sa direge sepe, mme e le thato ya Gagwe, re ikaelela go bua ka molaetsa o mongwe ka Tshipi e e latelang mo mosong, re tla rapelela balwetse ka Tshipi e e latelang bosigo. Morago ga moo ke ne ka tshwanelwa ke go boela gae kwa Arizona, go ya go tsaya ba lelwapa lame gore bana ba kgone go ikwadisa mo sekolong. Go tswa foo re tla ... Re tla le itsise, ka bokopano jaaka fa dintse di tswelela di ntsifala ka fa re kgonang ka teng, kana ka dinako tse re ... ka mafelo a re ikaelelang gore re be re le ko go one. Ka jalo, a Modimo a le segofatse lotlhe.

Jaanong bosigong jono, re itse gore ke ... Ke thari ka metsotso e le lesome le botlhano, go simolola

ka oura ya borobedi le bontlhanngwe mo Jeffersonville; mme seo se raya gore go tloga ka oura ya borobongwe le bontlhanngwe kwa East Coast, mme go tswa foo go fitlhelela ka oura ya botlhano kwa West Coast. Ka jalo jaanong re gaufi le go phirima ga letsatsi. Mme ke batla go bua le lona mo tirelong e e khutshwane fela, go leka go batla go tlotso ya Mowa, mme morago ga moo ke bitse mola wa thapelo.

5 Mme ke batla gore phuthego e e fano, mmogo le phuthego e e kopaneng kwa mafelong a mangwe, ba batle mokaulengwe mongwe yo o tlotitsweng ka Mowa; mme fa re simolola go rapelela balwetse, a beye balwetse ba ba mo phuthlegong ya lona diatle. Gakologelwang, Modimo o gongwe le gongwe; o gongwe le gongwe. Ka jalo, koa tlase kwa Texas, kwa California, kwa Arizona, gongwe le gongwe kwa o leng teng, baya diatla tsa gago mo bathong ba ba lwalang fa re simolola go rapelela balwetse. Mme ke tlhomamisa gore Modimo o tla utlwa gape a araba thapelo.

Selo se se gakgamatsang ke gore, mo bosigong ja Tshipi e e fetileng fa tlotso e ne e tswetse, mme Mowa o o Boitshepo o ne wa re ... E ne e le selo se se gakgamatsang. Ga ke ise ke ko ke nne le —le mola wa temogo mewa mo lebakeng la dikgwedi tse di ntsi, ga e sale ke ne ke le fa nako nngwe. Mme go tsamaya koo ka tsholofetso ... Ga o itse gore O tla a o tla go dira. Ga o kake wa re o tla go dira. O tshwanelwa ke go tsamaya fela koo le go letela. Ke molaodi. O dira se a batlang go se dira. Mme o eme foo mme o letele gore o bene gore o tla dira eng, mme go ikutlwalele go go diragalela jalo.

6 Mme ko bokhutlong ja—ja bokopano, ke ne ke sa itse gore e ne e le mang, mme go ne go na le—le monna mongwe gongwe mo moleng yo o neng a le moleele, a letlhogo e e lefatl, mme o ne a lwala fela thata.

Mme fa re tsena ko bofelong, go ne ga tla onna mongwe fa pele fa, a obile tlhogo ya gagwe, mme a lebega a le mo ditlhabing, a itshwere mo mpeng. Ke ne ka akanya gore e tshwanetse ya bo e ne e le monna wa ntlha kana wa bobedi, kana nako epe fela e kengeng ka mo rapelela, ka gore o ne a le tlhogo e e legatla gape a obile tlhogo ya gagwe, a le mogolo a iname. Mme ke ne ka lebelela kwa ntle mme ka fitlhela lekau le le ntse kontle koo, mme a itumetse. Ka bo ke akanya ipotsa, "Ke ko kae?" Ke ne ke sa kgone lemoga gore e ne e le ko kae. Ke ne ke kgona go e utlwa le go bona monna yo o fa pele game.

Ke ne ka ikutlwelela ke na le kgogo, e e neng e tswa ko morago. Ke ne ka leba Mokaulengwe Neville le ba babedi ba ba neng ba kotame fa, e ne e se bone. Ke ne ka re, "Monna yo o mo teng ga lefelo ka kolobetso ko morago kwa". Mme le itse gore e ne e le mang? Mokaulengwe Shepherd. Lebaka la gore ka bo ke sa kgone go mo lemoga, ke gore o ne a ntse ko morago kwa a obile tlhogo ya gagwe, a rapela.

O ne a akanya gore o tsile go swa, o ne a ntse a akanya jalo mo dibekeng di le mmalwa tse di fetileng. Mosadi wa gagwe o ne a mmolelela gore a ye go reka ditlhako tse disha, mme a re, "Ga ke ketla ke di tlhoka. Ke tla bo se fano lebaka le e leele."

7 Mme o ne a tla ko go nna letsatsi le le fetileng ... ko lapeng, la ga Mokaulengwe Wood, a goa gape a galaletsa Modimo. O ne a re, "Ke ja bacon, mae, ditamati, sengwe le sengwe se ke se batlang."

Mme ka boikokobetso o ne a sutela mongwe go tsaya setilo sa gagwe, fa a suta mo tseleng, gape a rapela. Bona, ga o tlhoke karata ya thapelo, o tlhoka fela tumelo. Le a bona?

Jaanong, ke ne ke sa itse gore a o ne a fodile kana nnyaa, ke ne ka re fela, "Go na le—le monna yo o rapelang, o na le bothata." Ke akanya gore e ne e bidiwa, "O na le bothata ja mala, mme o a rapela ka fa morago fa. A Morena Jesu a go fodise." Jaanong, ke sone fela se ke ke ka se buang. Kgogo e nnile teng ka lebaka la gore o ne a rapela. Ke ne ke kgona golemoga, mme ga ke itse gore go diragala eng. Le a bona?

Mme fa o le utlwa e boa, mongwe le mongwe a le lemoga, le re, "GO BUA MORENA," le a bona gore ga se nna yo ke buang; ke Ene.

8 Mme ka nako tsotlhe ke thola ke re, "Jesu Keresete o go dirile o itekanetse," seo ke Boammaaruri tota. "Mme o ne a thokofadiwa ka ntlha ya ditlolo tsa rona, mme re fodisitswe ka dithupa tsa Gagwe." Le a bona? Le a bona?

Mme e tla re fa le tla, "GO BUA MORENA," gape a go bolelela se o tshwanetseng go se dira le se se tla diragalang, o lepa seo go tla diragala jalo.

Mme fa ke re, "Jesu Keresete o a go fodisa le go go dira gore o itekanele fodisa," a o a dumela, 'ka gonne o setse a buile jalo. Ke boelela se A se buileng fela.

Mme ponatshegelo ke go boelela se a sentseng A se supilwe fela. O a tlhologanya?

9 Jaanong a re ithaganeleng mme re tsene ka tlhamalalo mo Lefokong, ka gonne ke a itse gore bontsi ja lona le teng fa, letsamaile dikilometara tse ditelele gotla kwano bosigong jono. Ke rapela gore Modimo a le segofatse, a le thuse le go le sireletsa mo ditseleng. Mme jaanong bosigong jo ke batla gore re bale mo go Moitshepi Mathaio mo, kgaolong ya 21, temana 1 go ya go 11, mo go Moitshepi Mathaio. Mme

jaanong, fa o se na Baebele ya gago, kgotsa o batla go kwala Ditemana tseno, go siame.

10 Mme jaanong go lona ba le iseng le utlwe molaetsa wa mo mosong ono, mme le na le thaipe rekote; ga re ka ke ra rekisa ditheipi. Ga re ketla re rekisa sepe. Ka dinako tse dingwe fa go na le bokopano jo bogolo ba tla bolela gore ba na le dibuka dingwe kwa morago; ga re dire sepe ka tsone. Mokaulengwe Vayle ke mokwadi. Ditheipi, monna yo o tsamaisang kgwebo ya ditheipi koo o tla go bolelela, ga re dire madi ka ditheipi. Ga re ... Ga se "dikhasete"; ke Molaetsa. Mme fa monna a akanya gore ke madi, ga a kitla a tlhola a dira ditheipi. Go ntse jalo. Ke ne ke botsa ka gone, ke tsaya gore ditheipi tsa rona di rekisiwa, tlhwatlhwa e e ko tlase ga didolara tse tlhano, kana sengwe sa go nna jalo, didolara di le tharo go ya go di le tlhano, kana sengwe se se tshwanang le seo. Ke reng? Tse tharo; le tse nne, tsa ditheipi tse ditelele tse di tona.

Mme moruti mongwe, ke ne ka mmotsa ka e nngwe ya ditheipi tsa gagwe, mme e ne e le didolara di le boroba bongwe, e tshameka molaetsa o o bolelele bo bo ka nngang ka masome a mabedi kana masome a mararo.

11 Ka jalo ke bona gore Mokaulengwe wa rona Sothmann yo o ntseng ko morago koo, ga se gore o dira madi, mo ditheiping tse ba di— ba di gatisang. Le a bona, ba dira madi a a lekaneng fela gore ba tshele ka one. Ga ke ka ke ka ba kopa gore ba di dire mahala, ka gore ba tshwanetse go reka ditheipi le dilo tse dingwe tsothle. Mme metšhine e e tura fela thata , e rekiwa ka didolara di ka nna dikete di le lesome go simolola kgatiso ya ditheipi tseo.

Jaanong, ke a tlhologanya gore go ise go ye kae ke ... tla bo ke setse ke e itsisitse. Mme gape go na le theipe e e reeditsweng. Gangwe le gape re ... thusa batlhokomedi, ga ke amane ka gope le seo. E bile ga ke ... le fa e le ka nngwe ya ditirelo. Ga se selo se se siameng kanar—kana se se sa siamang. Ba ne ba fetola dikopo tsa bone; batshephegi ba tsaya tshwetso ya gore ke mang yo o latelang go dira ditheipi, mme ba mo romelela lekwalo. Ke sone se ke se itseng ka ditheipi. Ba tlhokomela seo, ka gonne ga ke kgone le e leng go neela masea, le fa e le go tlhokomela ditheipi, kana go kolobetsa.

12 Ka jalo ke tlhomile mogopolo wame mo Molaetseng o, o e leng wa Kgogo ya Boraro, mme ke one o ke tshwanetseng go nna boikanyego mo go one le go o tlotla.

Mathaio 21:1 go ya ko go 11. Ke ne ka bua jalo gore o tle o kgone go lebelela ... kana go leba mo Dikwalong.

Ya re ba ... Mme fa ba ne ba atamela Jerusalema, ba fitlha kwa Bethefage, kwa thabeng e e bidiwang Olives, ... Jesu a roma barutwa ba le babedi,

And A ba raya a re: tsamayang le ye ko motsaneng o o le lebaganyeng nao, mme le tla fitlhela tonki e golegilwe, e na le tonkana: le e golole, mme le e ntlietse.*

Fa mongwe a bua sengwe le lona, le re, Morena o a di batla; mme o tla di romela.

Mo gotlhe go ne go direlelwa, gore seporofeso se diragadiwe se se neng se builwe ke moporofeta, a re,

Bolelelang barwadia Sione le re, Bonang, Kgosi ya lona e e tla kwa go lona, e le boikokobetso, ... e palame tonki, le tonkana ya yone.

Mme Barutwa ba tsamaya, ba dira ka fa Jesu a ba laetseng ka teng,

Mme ba ne ba tsisa—tonki le tonkana, ba mme ba di baya diaparo tsa bone, mme ba mo pega mo go yone.

Mme ba bantsi thata ba ala diaparo tsa bone mo tseleng; ba bangwe ba rema dikala tsa ditlhare, ba di ala mo tseleng.

Mme boidiidi bo bo neng bo le fa pele, le bo bo neng bo mo setse morago, ba ne ba goa ba re, Hosana go Morwa Dafita: Go sego yo o tlang ka leina la Morena, Hosana kwa godimodimo.

Ya re a tsena mo Jerusalema, dipelo tsa batho mo motseng otlhe ba di ne tsa fuduega, ba botsa ba re, Yo ke mang?

Mme matshwititshwiti a araba a re, Yo ke Ene moporofeta Jesu, wa Nasaretha ya Galelea.

Jaanong fa nka tsaya temana go tswa mo go yone, metsotso e ka nna masome a mararo pele fa re simolola mola wa thapelo, ke bata go tsaya temana e e le sethogo: Ke Eng se se Ngokang mo Thabeng?

13 Jaanong, e ne e le letsatsi le le lapisang, le le ngomolang pelo, mme e ne e le letsatsi le le sa tlwaelegang. Re fitlhela Jesu fano a ya kwa Jerusalema, a ipaakanyeditse go ya moletlong wa Tlomaganyo. Mme e ne e le ka nako ya Tlomaganyo fa kwana ya Tlomaganyo e ne e tlhabiwa, mme madi a yone a tshasa mo sekhurumelong sa setilo sa mautwelobothoko sa— tetlanyo ya—ya batho. Mme o ne a tswa kwa Bethefage mme o ne a ya kwa godimo ga Thaba ya Olives, e e lebileng ko tlase kwa thabeng e nngwe e nnye ko Jerusalema e neng e agilwe mo go yone. Mme jaaka fa a ne a lebile, o ne a itse gore e ne e le leeto la Gagwe la bofelo.

E ne e le nako ya gore a neelwe mo diatleng tsa batho ba ba boikepo mme ba mmolaye. O ne a tla swa lesa le maswe go feta dintsho tsotlhe tse tse di kileng tsa diragalela batho, mme o ne a tla fitlhwa. O ne A tsile go tsiediwa ke batho ba Gagwe, bangwe ba bone ba eme ba na le Ene. Mme Ene, kae le Modimo, O ne a itse se se neng se le mo dipelong tsa bone, a itse go tswa ko tshimologong gore ke mang yo oneng a tla mo tsietsa. Gape o ne a itse gore monna yoo o ne a na le Ene yo o neng a ntse fa thoko ga Gagwe mme a bala madi a Gagwe, le tse dingwe, o ne a itse gore monna yoo o tla mo tsietsa ka go mo oka. Mme o ne a itse gore sefapaano se se setlhogo sa Roma se ne se Mo emetse kontle koo. O ne a itse gore metsi le madi a a mo mmeleng wa Gagwe la ne a tsile go kgaogana, le gore o ne a tla tswa Madi mo phatleng ya Gagwe, mofufutso wa marothodi a a magolo. O ne A itse gore tseo tsotlhe di ne di Mo emetse. Mme O eme mo thabeng, a lebile ko Jerusalema.

14 Batho ba nako eo, bao ... ba neng ba ba bitsa "sethopho sa bodumedi jo bo botoka", ba ne ba mo tlhoile. Dikereke tsa nako eo di ne di Mo tlhoilela gape ba ne ba mo kgala, le go kgala botlhe ba ba neng ba Mo reetsa. Mme fa ba ne ba ya go tselelela ditirelo tsa Gagwe, ba ne ba kgaolwa ka bonako mo phuthegong. Ga go gakgamatse go bo Dikwalo le ne la re, "O ne a tla kwa go ba Gagwe, mme ba Gagwe ba ne ba se ka ba Mo amogela". Batho ba ba neng ba tshwanetse go Mo rata, ba ba neng ba tshwanetse go Mo ema nokeng, e ne e le baba ba ba neng ba mo tlhoile thata.

15 Mme O ne A dirile setlhophanyana sa Gagwe ka setlhopho sa batho ba ba humanegileng, batshwaraditlhabi, bakgethisi, ba ba sa rutegang. Baebele e ne ya re bangwe ba bone e ne e le "ba ba sa rutegang, ba ba sa rutegang". Bangwe ba ne ba sa kgone le go saena maina a bone. Ga a ise a ko a ye kwa dikerekeng go ya go tsaya batho ba Gagwe teng.

Mme ga a ise a ko a dumalane le baeteledipele ba kereke. Mo godimo ga moo, O ne a le mo dikgatong tsa mokgwa wa moperofeti. O ne a kgala sengwe le sengwe se ba neng ba se dira, fela jaaka ba pele ga gagwe; ka gonne e ne e le karolo ya Lefoko, mme Ene e ne e le Lefoko ka botlalo ja Lone.

16 Mme mo gare ga tse tsotlhe, go tsamaya ka paka nngwe le nngwe le moporofeta mongwe le mongwe yo o kileng a nna teng kana yo o tla nna teng, go tla nna le palo e e rileng ya batho ba ba laoletsweng go utlwa Molaetsa oo, mme ba tla o sala morago. Ba ba itlhokomolosa boidiidi. Ba itlhokomolosa go tshwaiwa diphoso ga motho yo o sa dumeleng. Ga—ga ba ngangisane le bone Ba tshwanetse go dira selo se le sengwe fela, seo ke go dumela le go tsaya sengwe le sengwe se ba ka se kgonang, ba se inele jaaka Maria yo o neng a nna fa dinaong tsa ga Jesu.

Mme Maratha o ne a mo direla dijo tsa maitseboa, mme Jesu a mo raya a re: "Mme Maratha, o kgatlhala thata ka dilo tsa botshelo, mme Marea ene o batile dilo tse di botoka," o a bona, dilo tsa Botshelo jo bo sa Khutleng.

17 Jaanong, re fitlhela gore bontsi ja batho ba ba neng ba tlhologanya ... Ba ne ba se na dibuka jaaka rona gompiano, ba ne ba se na thelebishene kana difouno, kana sepe fela, ka nako eo, mme ba ne ba ntse ba itiile ba mo emettse gore a tle ko moletong wa mo Tlomaganyong. Ka gore batho ba le bantsi, ba ba neng ba akanya semowa, ba ne ba itse gore e ne e le Kwana eo ya Tlomaganyo, ka gore o ne a setse a ba boletse dilo tse di neng di tsile go diragala.

18 Mme gone, ka go bo ba ne ba itse gore O ne A tla nna teng, e bile ba Mo rata ka tsela e ba neng ba Mo rata ka yone, ba ne ba Mo letile. Mme gone, ka go bo ba ne ba itse gore o ne a tla nna teng, e bile ba mo rata ka tsela e ba neng ba mo rata ka yone, ba ne ba mo letile. Ba ne ba lebile.

Ba bangwe ba ne ba ipotsa gore go diragala eng ka batho ba ba neng ba taboga go tswa kgorong e nngwe go ya ko go e nngwe. "Ke eng se se ngokelang?"

Mme ba ne baleba kwa le kwa go bona. Go ne go lebege e kete ba ne ba batla sengwe, ba solofetse gore go tla direga sengwe.

A bo ke ka rata jang ne go fetola molaetsa wame ka metsotso e sekae mme ke re se, gore ke sone se se diragalang gompiano.. Batho ba ba lebeletseng go tla ga Gagwe ba lebeletse pele ka tsholofelo. Re kgona go utlwa kgatelelo. Mme ba batla, ba ela tlhoko kgato nngwe le nngwe le sesupo sengwe le sengwe, ba se tshwantsha le Dikwalo.

19 Mme fa ba ne ba bona dilo tsotlhe tse di neng di boletse pele ka Ene, go fitlhelela fela kwa bokhutlong, ba ne ba itse gore bokhutlo bo gaufi. Ba ne ba batla gore ba bo ba le teng, ka jalo ba ne ba

lepile. Bontlha bo bongwe ja boidiidi bo ne bo me bata, mme e ne e le sethopga se se nnye. Bangwe ba ne ba le kgatlheng le Ene, bontsi ja bone, ba ba nenbg ba le kgatlheng le Ene e ne e le diperesente di le masome a robongwe.

Mme ke ka fa gontseng ka teng gompiano mo boidiiding ja bodumedi, fa go tla mo Lefokong le Keresete, ba ba le dumelang e ka nnang peresente e le nngwefela. Karolo ya boidiidi e nngwe e tla bo e sa le tseye tsia, go sa kgathalesege gore go ne go dirwa eng, ba ne ba dira metlae mongwe kana ba bua ka lenyatso ka lone. Go ntse fela jalo. Fa nako e ntse e tsamaya, dilo ga di fetoge thata, ditso di nna di ipoeletsa.

20 Relemogile gore seo se baka tshwenyego ya maikutlong. Go ne go tshwanetse gore go nne jalo. Le tshwanetse la dira jalo. Ba ne ba letile, ba ipotsa gore O ne A tsile dira eng fa A goroga go ne koo. Ba ne ba batla go nna teng go bona sengwe le sengwe se A neng A se dira. Ba ne ba le batla. Ba ne ba batla go e bona. Ba ne ba Mo dumela. Ba bangwe ba ne ba utlwile gore O ne A tla, mme ba ne ba ya go ikgatlha ka Ene. Ka jalo, morago ga go tetelo e e gogomosang maikutlo, e ne e le letsatsi le le sa tlwaelegang, nako e e sa tlwaelegang, dikereke di robetse, batho ba ne ba tshogile, go ne go na le batho ba le bantsi koo, mme go ne ga diragala!

21 Kwa godimo ga Thaba ya Olive go ne ga tla tonkana e tshweu, e fologa mo thoteng, e na le setlhopho sa batho ba ba goang ka bogale, ba goga matlhare a ditlhare tsa mokolane, ba latlhela diaparotse tsa bone mo tseleng, ba goa ba re, 'Hosanna go Morwa Dafide yo o tlang ka leina la Morena!' E ... mmoulonyana o, Mopalami wa yone e ne e se ope o sele fa e se Mesia yo o tloditsweng wa Modimo wa nako eo.

Modimo, nako eo, o ne a dira eng? Ke eng se se ngokang ko godimo ga thaba? Ke Modimo a diran ditso, le Modimo yo o diragatsang seporofeti. Mme nako tshotlhe seo a ngokela. Go oka bakgadi, manong, (a Molaetsa wa mo mosong), le dintsu. Le a bona? Ba kgobokana go bona gore go diragala eng. Bangwe ba tla ka gonne ba batla go itse, ba bangwe ba tla go batla diphoso, ba bangwe ba tla go kgala. Jaaka re buile mo mosong ono, go na le mefuta yotlhe ya batho ba ba phuthegileng: badumedi, ba ba iketsisang, le ba ba sa dumeleng. Go na le eng mo thabeng? Seporofeta se diragadiwa. Jaanong re tla bona gore go diragala eng.

22 Jaanong, mo bukeng ya gaSekaria, mo kgaolong ya 9 le mo temaneng ya 9. Jaanong Sagaria moperofeti a bua a le mo Moweng a re:

"Itumeleng thata, lona barwadia Sione! Goang, lona barwadia Jerusalema! Bonang, Kgosi ya lona e tla kwa go lona, e siame, ... e bile e pholositse; e ikokobeditse, e palame tonki, petsana ya tonki, e bong tonkana".*

Jaanong, bothata e ne e le eng ka bakwadi bao? Ke eng se se phoso ka baruti bao? Ke eng se se neng se sa tsamae sentle ka batho bao ba bodumedi? Se se ne sa kwalwa dingwaga di le makgolo a le mane le masome a le robedi le bosupa pele ga se diragala, ke moperofeti yo o neng a tlhomamisitswe, mme se ne se setse se kwadilwe mme se bidiwa Baebela, memeno ya Tesetamente e Kgologolo. Ke ka ntlha ya eng fa ba ne ba sa kgone go bona gore seporofeti bo diragadiwa? Ka lone lebaka leo ba sa kgoneng go le lemoga gompiano. Ba tsere Lefokola Modimo mme ba le dira gore le se ka la nna le mosola mo bathong, ba ruta (ka ngwao) dithuto tsa ngwao ya motho.

Mme fa bakwadi, bareri, badiredi, batho ba semowa (ba ba bidiwang jalo), batlodiwa, ba ne ba ka bala Baebela fela, ba ka bo ba sa ipotse gore go diragala eng, ba ka bo ba itse gore ke eng. Modimo a diragatsa Lefoko la Gagwe!

23 Go ne go dirwa ditso, seporofeti se ne se diragadiwa. Poloko ya lefatshe e ne e setse e goroga, letsatsi le legolo le baporofeti botlhe ba neng ba le lebeletse. Botlhe ba ba neng ba le mo lebitleng ba ne ba letetse letsatsi leo (a ko o akanye fela), botlhe ba ba neng ba sule, basiami botlhe ba madi a baswelatumelo le baporofeti.

Eo, a neng a sa tswa go goa a re, "Jerusalema, Jerusalema, wena yo o kgobotletsang moperofeti mongwe le mongwe yo ke mo romelang kwa go wena, le yo o bolayang basiami, ke makgetlho a le kafe ke neng ke batla go go sereletsa jaaka koko e ne e tle e sireletse bana ba yone, mme wa gana? Mme jaanong nako ya gago e gorogile."

24 Sengwe le sengwe se se neng se le mo lebitleng, Aborahame, Isake, Jakobe, baporofeti botlhe, ba ne ba letetse nako e.

Mme kereke e ne e sa e lemoge. "Ke mang yo o tsositseng modumo o? Ke mang Motho yole?" Nako nngwe ba ne ba re, "A ga se morwa wa mmetli yole yo o fa? We know Him. O tsere kae botlhale jo? Ke eng, re sa re sa kgone go mmone a amana le sekolo sepe sa rona. Ga re itsegore o ithutile mo dibukeng dife. Ke Mang?"

E ne e le karabo ya seporofeso sa moperofeti. Ke yo o tla a palame tonkana ya tonki. A bo go kgatlha jang ne! Modimo o ne a diragatsa Lefoko la Gagwe le a le solofeditseng, mo diourenge tse saleng di ntsedi letetse ka dingwaga di le dikete tse nnè. Mo go Genesise, kgaolo 3 le temana 15, Modimo o ne a bolelela pele gore, "Lesika la mosadi le tla thokofatsa kgogela mo tlhogong, mme tlhogo ya yone e tla gobatsa serethe sa lesika la gagwe,yone," seporofeso seo se se negse boleletswe pele mo Baebeleng ka ga go tla ga Monna yo.

25 Mme bosheng jaana go ne go na le moperofeti yo o neng a ema mo gare ga bone, yo o neng a itshupa e le moperofeti, eleng Sekaria, mme a re, "Lona bomorwadia Jerusalema le lona bomorwadia Sione, itumeleng, le goe, le kue, gonne Kgosi ya lona e tla kwa go lona, e le bonolo, e leboineelo, le boikokobetso, e palame tonkana."

Mme batho ba ba neng ba bala Dikwalo tseo, letsatsi le letsatsi, ba ne ba mmona a tla a palame, mme ba kua ba re, "Ke mang yo? " Le a bona? Modimo o ne a diragatsa Lefoko la Gagwe mo bathong ba ba neng ba tshwanetse go itse gore ke eng mme ba ne ba sa itse.

Nako tsotlhe fa Modimo a diragatsa Lefoko la Gagwe, go nna go ngokela. Go a ngokela , ka gore ke selo se se sa tlwaelegang. Fa a diragatsa Lefoko la Gagwe mo nakong ya segompiano, batho ba segompiano ga ba dumele ka gore ga go tlwaelega. Ba dira dilo ka tsela ya bone.

26 Re a bona jaabong, mme a re boeleng kwa Dikwalong mme re tseye ditiragalo tse dingwe tse di sa tlwaelegang, ka metsotso e sekafe fela, fa Modimo a neng a diragatsa seporofeso sa Gagwe. Fa Modimo a bua sengwe, o tsile go se dira. Legodimo le lefatshe di tla feta, mme Lefoko leo ga le ketla le feta. Ka jalo gantsi go nna go dira tebego e e sa tlwaelesegang.

Ela tlhoko gore Lefoko la Modimo le le sa amogelesegeng mo—mo bathong ba ba tshwanetseng go ka bo ba le dumela, gape le fa go ntse jalo le sa tlwaelega mo ba goang ba re, "Jaanong, mo ke eng?" O di tsere kae? Ke mang yo? Ke eng se?"

Fa ba ne ba ka bo ba tshwanetse ke go bo ba kua ba re, "Hosanna go Kgosi e e tlang ka Leina la ga Jehofa!" Mme go ne go na le sethlophanyana fela , se se neng se dira jalo.

Selo se segolo se se neng se ka diragalelang morafe, mo dingwageng tse di dikete tse di nne tsa seporofeso, se baswi botlhe ba neng ba na le tsholofelo mo go sone, isago yotlhe e ne e ikaegile ka sone, le batho ba bodumedi, ba ba neng ba ipolela gore ba ne ba se dumela, ba ne ba kua, ba re, "Ke mang? Mme ke eng se se ngokang?" Sengwe se se sa tlwaelesegang! Gontse go a tshwana, ga so fetoge, gjaanong ga se a tlwaelesega.

27 A re boneng dilo dingwe tse di sa tlwaelegang, jaaka ke sa tswa go di bua. Ke eng se se neng se ngokela pele ga katlholo ya lefatshe ya go sengwa ka metsi? Monnamogolo yo o neng a ka nna dingwaga di le lekgolo le masome a mabedi, o ne a aga mokoro fa go neng go se na metsi a a o neng o ka kokobala mo go one. A le kwa godimo koo ka dingwaga tse dintsi, a eme fa kgorong, a aga mo teng ga yone, mo teng, ba e kana mo teng le kwa ntle, mme a bua a re, "Lefatshe le tsile go nyeletswa ka metsi," nako e kgolo ya saense.

"Ke eng seo modumong o o setang ko godimo ga thaba koo?" "Ke eng, ke monnamogolo wa setsenwa yo o bidiwang Noa, yo o ko godimo kwa. Monnamogolo o ne a nna ka lebaka le le leele thata mo letsatsing. O tsenwe ke le tsatsi thata. O ne a latlhegelwa ke tlhaloganyo. Mme o aga se a se bitsang 'areka,' mme a re metsi a tsile go tswa kwa godimo kwa go se nang metsi gone, mme a tla gogola batho botlhe; mme mongwe le mongwe yo o sa utlweng molaetsa wa gagwe, le mongwe le mongwe yo o sa tseneng mo arakeng eo, o tla nwela. A o kile wa utlwa ka selo se se ntseng jalo?" E ne e le sengwe se se sa tlwaelegang!

28 Ke akanya gore fa batho ba ne ba batla gomoja setshego sentle, ba ne ba ya kwa godimo mme ba ema fa pele ga kgoro ya araka mme ba tshega. "Ke eng, o ne wa re pula e tsile go na dingwaga di le lekgolo tse di fetileng!! Rremogolo o ne a mpolelela gore o ne a go utlwa o bua gore pula e tsile go na, mme o sa ntse o ntse o beta mokoro o wa bogologolo. Ke eng fa o sa tsamaele koo tota?"

Mme e ne e le Modimo fa a ne a ipaakanyetsa go tlhomamisa tsholofetso le go diragatsa seporofeso se moperofeti wa Gagwe a neng a se buile. Go ne go sa tlwaelega! Modimo o ne a diragatsa tsholofetso ya Gagwe mo go Noa, fa babangwe ba ne ba tshega. Gape Modimo o ne a ipaakanyetsa go dira ditso go bontsha ba bangwe, le go fitlhelela gompiano, gore O tshegetsatsa Lefoko la Gagwe! Go sa kgathalesege gore go ne go lebega go se botlhale jang, O tshegetsatsa Lefoko la Gagwe. O ne a dira gore monnamogolo yoo yo o neng a itaya a beta araka a nne sekao mo bathong ba ba leng fa mo bosigong jo mo Amerika e mo lefatsheng lotlhe. Go sa kgathalesege gore saense ya reng, gore ba reng, se, sele, kana se sengwe, O santse a ntse a tshegetsatsa Lefoko la Gagwe. O ne a dira ditso.

29 Ke eng se se neng se ngokela ka letsatsi lengwe; selo se se go ne ga direga sengwe se se sa tlwaelegang kwa nageng, mme e ne e le setlhare se se neng se tuka. Mme moperofeti yo o neng a

tshabile o ne a eme kwa tlase kwa nageng. Ga a ise a ko a utlwe lentswe lepe, ga a ise a ko a utlwe modumo ope, mme o ne a leba mme a bona sengwe se se sa tlwaelegang kwa godimo ga thaba. Modimo o ne a leka go mo ngoka. Go ntse jalo le gompieno!

Modimo o ne a ipaakanyetsa go diragatsa Lefoko la Gagwe, ka moperofeti wa Gagwe Aberahame, "Lesika la gago le tla nna baagedi mo lefatsheng le sele dingwaga di le makgolo a maeè. Ke tla ba ntsha ka thata.."

Mme O ne A baakanyetsa motho tiro eo, fela jaaka A ne A baakanyetsa batho botlhe ba ba neng ba tla dumela mo go Ene, lefelo la polokesego ka go ba agela araka. Modimo o ne a tshuba setlhare se, mme modisa yo wa dinku e bong Moshe o ne a re, "Ke tla fapogela kwa thoko go ya go bona gore selo se se se sa tlwaelegang se raya eng." Mme e rile a isa Moshe kwa setlhareng, O ne a bua le ene.

30 Ke eng se se neng se ngokela moragonyana kwa holong ya ga Pilato, fa modisa yo wa dinku a ne a latlhela thobane kwa tlase mme ya fetoga go nna noga? Modimo a diragatsa tsholofetso ya Gagwe. Ke eng se se neng se nokela kwa Lewatle le le bidiwang Dead Sea, fa dipitse tsa ga Faro di ne di gakgametse, fa di ne di bona phefo e fologa e tswa kwa magodimong mme e kgaoganya Lewatle le bidiwang Red Sea go tswa kafa mojeng go ya kafa molemeng; mme setlhopho se sennye sa makgoba, se tsamaya ka taelo le mo tirong ya Modimo, se tsamaya mo lefatsheng e e omileng? E ne e le eng? Modimo a tshegetsatsa Lefoko la Gagwe. Leso le ne la sutlela, batho ba ba tshelang gore ba kgabaganye lewatle; mme batho ba ba suleng semoweng ba ne ba leka go ba etsa mme ba nwela. Modimo o diragatsa seporofeti le go dira ditso. Ke sone se se neng se ngokela kwa lewatleng le le bidiwang Dead Sea.

31 Ke eng se se neng se ngokela mo letsatsing la bobedi morago ga moo, kwa Thabeng ya Sinai, fa batho botlhe ba ne ba laelwa gore ba se ka ba itse basadi ba bone, fa ba ne ba laelwa gore ba tlhatswe diaparotse tsa bone le go iitshepisa, le go phuthaga go dikologa thaba e monna mongwe yo o bidiwang Moshe a neng a re o kopane le Modimo mo go yone mo Pilareng ya Molelo? Mme Modimo o ne a raya Moshe a re, "Ke tla fologela ko tlase mo bathong. Ke tsile go go tlhomamisetsa se ke go boleletseng sone le gore Ke Mang. Ke tla ba bontsha gore Ke nna Modimo Ene yoo." Seo e ne e le sone se se neng se dira gore ba ngokege, Modimo a diragatsa Lefoko la Gagwe.

32 Ke eng se se neng se ngokela ka letsatsi lengwe mo ditsong, fa setšhaba se ne se lebetse Modimo, fa batho ba ne ba setse ba sena chesego gape ba sa kgathale, fa baperesiti botlhe ba ne ba ile le mekgwa ya segompieno, baporofeti ba ne ba porofeta go ya ka thato ya baperesiti? Mme ka letsatsi leo, jaaka go tlwaelesegile, ba ne ba na le monna mongwe yo ba neng ba akanya gore ke sethakana thogo sa tumedi. O ne a bua ka basadi ba ba itshasang pente le dilo tse tsotlhe, mme e ne e le monna yo o sa tlwaelegang. Mme monnamogolo yo o ne a fologelako tlase ko kgosing mme a mo raya a re, "Le eleng monyo ga o kitla o wa ... go fitlhelela ke tla ke o bitsa."

33 Mme re fitlhela gore o ne a iphitlhile a bo a tshaba, mme a iphitlha gongwe kwa nageng. Ba ne ba ithaya ba re gongwe o ne a tshwarwa ke tla mme ya mmolaya kana a nyeletse; mme o ne a a tlhokomelesegile sentle, a fepiwe ka dijo le metsi. Mme ke yo fa, o a tla mme a ba a re, "A le bona gore ke na le GO BUA MORENA? Jaanong, fa e le gore ga o ise o dumele, a re thatlogeleng kwa godimo ga thaba mme re tlhomamisa gore Modimo Ke mang," gonne o ne a bona ponatshegelo e nngwe gape e e tswang kwa Moreneng.

O ne a re, 'Wena tlhopho se—se sebeso, o se dire, mme—mme o tlhophe poo o e tlhabe. Ke tlaa agela Morena sebeso, gape ke tlaa baya poo mo go same. Re tla dira setlhabelo mmogo, mme re letlelele Modimo yo e leng Modimo a arabe.' O ne a ka se ka a dira jalo fa Morena a ne a sa mmolelela; o ne a bua jalo moragonyana a re, "Ke dirile se kwa ... tsotlhe tse, ka taelo Ya Gago, Morena."

34 Mme ke eng se se ngokelang? Go na le baperesiti ba le makgolo a mane ba ba ememng mo thabeng, le kgosi e eme koo mo kareng ya yone, e na le dibetsa tsa ntwala tsotlhe tsa yone le badisa ba eme go dikologa. Mme monnamogolo, yo o sefatlhego se leng ditedu tse di omeletseng di lepeletse, yo tlhogo e e phandane, yo o ithathileng ka letlalo la nku, a le mariri mo mmeleng, a eme a tshwere thobane mo letsogong la gagwe, le nang le moriri o montsi, yo o nang le sefatlhego se se borokwa, yo o tlhogo e pududu, le moriri o o lepelelang mo sefatlhegong sa gagwe, karolo ya letlalo la nku e mo dikaganyeditse, le moriri mo mmeleng wa gagwe otlhe, o eme foo a tshotse thobane mo seatleng, le nkgwana ya leokwane mo seatleng se sengwe; dingwaga di le tharo le sephatlo pele ga foo o ne a re, "Le fa e le monyo ga o kitla o wa go fitlhelela ke o bitsa," o tsaya boemo ja Modimo, ka dilo tse di jaaka dipone tsa lesedi le meriti le dilo tsotlhe tse ba buang ka tsone. "Mme monnamogolo wa setlhakana thogo sa tumelo o eme ko godimo ga thaba, a tlssa batho ba botlhe ko godimo koo." Ke eng se se neng se ngoka seo? E ne e le Modimo a baakanyetsa go tlhomamisa gore moporofeta wa Gagwe o ne a nepile. E ne e le Modimo a diragatsa seporofeso. Gape Modimo o dira ditso, o diragatsa Lefoko.

35 Morago ga dingwaga tse di makgolo a seng kafe, go ne go na le monna mongwe yo o neng a tloditswe ka Mowa oo tshwanang, mme a tswa ko sekgweng, a sa amane le mekgatlho epe; le mororo rraagwe e ne e le monna wa mokgatlho, moperesiti wa setlhopho. Mme o ne a tswa kwa sekgweng, a

apere letlalo la nku, a sefatlhego sa gagwe sotlhe se tletse moriri. Go na le gore e nne putswa, o ne o le montsho. Ke eng se se neng se gogela ka monna yo se se neng sa ngokela Jerusalema yotlhe le Judea? Bangwe ba bone ba ne ba tswa mme ba re, "Go na le lenaga la monna kwa. O leka go nwetsa batho mo metsing. Ke mang yo o kileng a utlwa selo se se ntseng jalo?"

36 Ba bangwe ba ne ba batla go itse, mme ba ne ba re, "Yo e tshwanetse ya bo e le Mesia". Mongwe wa bone o ne a re, "E ka tswa e le mongwe wa baperofeti". Ba ne ba sa itse gore ba ka akanya eng. Mme e ne e le eng? E ne e le Modimo a diragatsa Isaia 40, fa A neng a re, "Bonang ... " se A tla se dirang mo malatsing a bofelo, ka fa A tla romelang motlhanka wa Gagwe ka teng le se A tla se dirang.

Morago ga moo re bona gore, dibeke di sekae morago ga moo, re bona monna yoo o ne a tshapha molaetsa wa gagwe, go fitlhelela a bua a re, "Go na le Mongwe yo o emeng mo gare ga lona, yo ke sa tshwanelang ke go rwala ditlhako tsa gagwe. O tlaa le kolobetsa ka Mowa o o Boitshepo le molelo, fela jaaka nna ke le kolobeditse ka metsi."

37 Letsatsi lengwe lekawana lengwe le le ka nnang dingwaga di le masome a mararo, le ne la tla mme la kolobediwa. Mme e rile fa Monna yo a tla, o ne a ngokiwa thata ke moporofeti, moporofeti yoo o ne a itshwara ka tsela e e sa tlwaelegang mo letsatsing leo. Phuthego e ne e sa kgone go itlhokomolosa se moporofeti yoo a neng a se dira.

Fa a ne a ganetsana le baperesiti ba ba neng ba le ka boseja ga noka, ba ne ba bua ba re, "Modimo o agile sebeso se. Modimo o re boleletse gore re dire se. Moshe ke moporofeti. Re dumela Moshe. Go ntsha ditlhabelo ga go ketla go fela."

O ka re ke utlwa Johane a araba a re, "A ga le ise le ko le bale mo Dikwalong se moperofeti Daniele a neng a se bua a re, 'Setlhabelo sa letsatsi le letsatsi se tla fedisiwa'? Mme nako eo e gorogile! A ga le a ka la bala se Isaia a neng a se bua mo kgaolong ya bo 40 a re, 'Lentswe la yo o goang mo nageng, baakanya tsela ya ga Morena'? Gof filwe seorofeso gabedi ka ga nna. Mme sengwe gape, a ga o a lemoga moperofeti wa rona dingwaga di le makgolo a mane tse di fetileng, Malaki, fa a ne a bua mo kgaolong ya 3 mme a re, "Bonang, ke roma morongwa wame fa pele ga sefatlhego same, go baakanya tsela". A ga o itse gore se se diragatsa seporofeti?" Seporofeti se ne se diragadiwa!

38 Mme mo e ka nnang ka nako eo moperofeti o ne a retologa mme a re: "Bonang, Kwana ya Modimo e e tlosang bolelo jwa lefatshe e e tlang!" Jaanong ke eng se se ngokelang? E fetogile go tswa mo moporofeting go ya mo seporofesong sa gagwe.

Jaanong ela tlhoko se se tsileng go diragala. Mme go tla monna yo o e leng motho fela, yo o sa itsiweng, morwa wa mmetli, o ne a tla a tsamaya mo metsing. E rile Johane, wa moperofeti yo mogolo, a ne a bua a re, "Ke tlhoka go kolobediwa ke Wena. Ke eng o tla ko go nna?"

O ne a bua a re, "E kete go ka nna jalo. Mme, jaaka moperofeti le Lefoko, re tshwanetse go diragatsa tshiamo yotlhe."

Ka jalo o ne a tlhologanya gore Setlhabelo se ne se tshwanetse go tlhaphisiwa pele se ka newa, mme a Mo kolobetsa.

39 Jaanong go na le sengwe gape se se ngokelang se se diragalang fa A ne A tswa mo metsing. Moperofeti yo o neng a ikanyega thata mo a neng a bolela dingwaga tsa gagwe le nako, o ne a leba kwa godimo mme a bona magodimo a bulega. O ne a bona Mowa wa Modimo o fologelega mo go Ene jaaka lephoi, mme lentswe le ne la re, "Yo ke Morwaake, moratwa, yo ke mo itumelelang." Modimo o ne a tlhomamisa molaetsa wa moperofeti, e leng se se neng se ngoka tlhokomelo kwa Joredane.

40 Mokaulengwe mongwe o ne a opela kgantele, kana o ne a tshwanetse go opela pina ya, "Mo dithabeng tse di kgakala go ne go na le sefapaano sa bogologolo se se thata". Ke eng se sengokelang ko thabeng e e bidiwang Thaba ya Kalvari? Fa re bona bodumedi ja lefatshe bo ne ba Mo athola, mme puso ya Roma e ne e mo atholetse leso. Mme fano O ne A le fa gare ga dirukuthi tse pedi, o ne a tshwerwe ke lenyora, a tshologa madi mo mmeleng. Fa a ntse a le koo, o ne a goa a re, "Modimo wame, Modimo wame, o tlogeletseng?" Mme batho ba bodumedi ba ne ba eme koo, ba le lebeletse, mme ba ne ba sa itse gore seporofeso sa Tesetemente e e Kgologolo e ne ya diragadiwa gone koo kwa Kalevari nako eo.

David o ne a kwala ka boene, tiro ... o ne a tsena mo moweng jaaka baporofeta botlhe, o ne a dira jaaka e ka reng e ne e le ene. Dafide o ne a goa jaana mo pesalemeng ya bo 22, "Modimo wame, Modimo wame, o ntogeletseng? Marapo Ame otlhe a ntebile. Ba ne ba ntshega diatla le dinao tsame. Dafite, o bua jaaka e kete ke ene. Mme e ne e se Dafide, e ne e le Keresete mo go Dafide.

Mme fa seporofeti se se neng sa buiwa ke baperofeti botlhe se ne sa diragadiwa mo Thabeng ya Kalvari. Ke eng se se ngokang ka Thaba ya Kalvari? Modimo a diragatsa Lefoko la Gagwe.

41 Selo se sengwe se se ngokelang mo thabeng, e ne e le ka Letsatsi la Pentekosete, fa botlhe ba ne

ba le koo mo moletlong wa bodumedi, ba akanya gore ba kobile batho botlhe ba ba ratang bodumedi thata. Ba ne ba ise ba ba bone malatsi a le lesome. Ba ne ba tswa ka bonako mo godimo ga kago, ba ya kwa mebileng, jaaka motshitshi wa dinotshi, ba goa ba tswela pele.

“Ke eng se? Se se raya eng? A banna ba botlhe ba tagilwe?”

Lebelela! Jaanong moperofeti a ema mo gare ga bone, a bua jaaka moperofeti a laetse, a re: “Lona banna ba Iseraele, le lona banni ba Juta le Jerusalema, itseng, lo utlwe mafoko ame. Ba ga ba a tagiwa jaaka le akanya. Mme se ke se se builweng ke Morena ka moperofeti Joele, a re, Go tlaa dirala mo malatsing a bofelo, ke tlaa tshololela Mowa wame mo nameng yotlhe.” Ke sone se se neng se ngokela.

42 Batho ba bodumedi, morago ga go bapola Kgosana ya Botshelo le dilo tsotlhe, ba ne ba ise ba bone tsholofetso ya go tla ga Mowa o o Boitshepo. Go ngokela, “Ke mang yo? Se se raya eng? Ke eng se se diragaletseng batho bao?”

Ooo, Modimo! Go tshwana le tsatsi leno. Re tla tola mo gontsi mo go seno gore re go tshwantshanye le ka nako eno. Ke selo se se tshwanang le mo nakong eno. Go diregala selo se se tshwanang. Go bodiwa potso e e tshwanang. “Ke eng se se bakang modumo oo otlhe? ” Leba kwa godimo le kwa tlase mo mmileng, dikoloi go tswa Michigan go ya Florida, go tswa Maine go ya California. Mo mosong ono fa ke ne ke tsamaya, kana ka thapama, nna le mosadi wame re ne tsamaya mo mmileng, e re ne re leba dilaesense tsa dikoloi. Ke gone koo ke neng ka akanya ka setlhogo se teng.

“Se se raya eng?”

Fela jaaka go builwe gore, “Kwa setoto se leng teng, dintsu di phuthegela gone.”

43 Ke ne ka raya mosadi wame ka re, “Moratiwa a, o gakologelwa maabane bosigofa ke ne ke tshwanetse go laela sengwe le sengwe se ke neng ke se ratang mo lefatsheng, mme ke ye kwa masimong go ya go simolola sengwe se Modimo a neng a re ke se dire? O ne wa opela pina.”

Ba tla tswa kwa Botlhaba le Bophirima,

Ba tswa ko lefatsheng le le kgakala,

Go ja le Kgosi ya rona, go ja jaaka moeng wa Gagwe;

Baeti ba ne ba segofetswe jang!

Go lebelela sefatlhego sa Gagwe se se boitshepo.

Se galalela ka lerato la Bomodimo;

Ba ba nang le seabe mo tshagofatsong ya Gagwe,

Jaaka maje a bothokwa mo koroneng ya Gagwe ya bosisi di phatsima.

44 Ke sone se se ngokang. Lesika la Modimo le le laoletsweng pele le le ka se kang la dira sepe fa e se go le sala morago, le raya go le gontsi mo go rona go feta botshelo. Tsaya matshelo a rona, mme o se ka wa tsaya seo. Ke eng se se ngokelang? Modimo, jaaka ka nako tsotlhe, o diragatsa Lefoko la Gagwe. O diragatsa Lefoko la ga Sekaria gape, la moperofeti Sekaria.

Fa ke ne ke bala temana ya bo 9 kgantele, fa Jesu a ne a tsena mo tempeleng ya Gagwe, a palame ... kana a tsena mo Jerusalema, a palame tonkana e e tshweu, seporofeso se Sekaria a neng a se bua se ne sa diragadiwa. Ke ye, “Ipeleng thata, lona bomorwadia Siona. Goang ka boipelo, lona barwadia Jerusalema. Bonang, Kgosi ya gago e tla kwa go wena; O siame, e bile o na le poloko; a palame tokana ya tonki a ikokobeditse.” Ke sone se se neng se gogela batho kwa Jerusalema, kwa ntlokgolong ya bodumedi.

45 Jaanong re bona letsatsi la bofelo le diragala! A re buleng ditsebe di se kafe mo go Sekarea, mme re bone gore o ne a reng ka gone. A re e tsiseng mo malatsing a bofelo. Eo e ne e le nako ya paka e e fa gare; a re fetogeleng mo malatsing a bofelo. Gape le buleng mo go Sekarea, kgaolo ya bo14, o simolole ka temana ya bo 4. Mme reetsa! Mme re tlile go bala karolo nngwe ya Dikwalo, ditemana di ka nna robongwe, go tloga ka 4 go ya go 9. Reetsang ka kelotlhoko. Mme e bolelela pele go tla ga Gagwe, malatsi a bofelo. Reetsa ka kelotlhoko. Se ke GO BUA MORENA. Ke Dikwalo, mo go Sekaria 14. Ga gakologelwang se se neng se buiwa mo go Sekaria kgaolo 9? Mme ga ba a ka ba e lemoga. Jaanong ke eng mo letsatsing leno? Sekaria 14, e bua ka go Tla ga Gagwe.

Ka letsatsi leo o tla ema gape mo thabeng e e bidiwang Olives, gape, e e lebaganyeng le Jerusalema kwa botlhabatsatsi, mme thaba ya Olives e tla kgaogana ka bogare yone go ya kwa botlhabatsatsi le kwa bophirimatsatsi, mme go tla nna le mokgatšha o mogolo thata; ... bontlhannngwe ja thaba bo tla sutlhelela kwa bokone, mme bontlhannngwe ja yone ... kwa borwa.

Mme le tla siela kwa mokgatšheng wa dithaba; gonne mokgatšha wa dithaba o tla fitlha kwa Asele: Ee, le tla sia jaaka le ne la sia mo malatsing a thoro mo ya lefatshe mo metlheng ya ga Usia kgosi ya Juta: ...

46 Thoromo e nngwe ya lefatshe e kgaoganya lefatshe! Fa e le gore o batla go latela temana ya Dikwalo fa, ela tlhoko mo temaneng e ya 5, e bua gore go phatoga ga Thaba ya Olives go dirilwe ke thoromo ya lefatshe, mme se se tlhomamisiwa ke Isaia 29:6 le Tshenolo 16:9. Gontse jalo! Ke eng? Moperofeti yoo o ne a bua ka go tla ga Gagwe la ntlha, a bona go tla ga Gagwe ga bobedi. Ela tlhoko, "Jaaka mo malatsing a thoromo ya lefatshe." A o bona gore dithoromo tsa lefatshe di dira eng? A o bona dipolelelopele tsa bone?

... Mme Morena Modimo wa gago o tla tla, le baitshepi botlhe ba gagwe ba na nao.

Mme go tlaa dirala mo letsatsing leo, go re, (Haleluja) ka letsatsi leo, ga go ketla go nna lesedi, le fa e le lefifi:

Go tlaa nna letsatsi le le lengwe fela le ... le itsiweng ke MORENA, ga go ketla go nna motshegare, le fa e le bosigo: mme go tlaa nna lesedi mo maitseboeng. (Oo Modimo!)

47 "Go tla nna lesedi mo nakong ya maitseboa", e ne e le moporofeta e ne yoo. Mme batho ba fofetse! Ke eng se se ngokelang? A re baleng ditemana tse dingwe.

Mme mo letsatsing leo, metsi a a tshelang a tla tswa kwa Jerusalema; sephatlo sa one se elelela kwa lewatleng la bogologolo, sephatlo se sengwe ... se elelela lewatleng le le kwa bophirima: ka nako ya selemo le ... go tla nna mariga. (Efangele e tswelletse ka go rerelwa; Bajuda le Baditšhaba.)

Mme MORENA o tlaa nna kgosi ... mo lefatsheng: mo letsatsing leo, go tlaa nna le MORENA a le mongwefela, le leina la gagwe le le lengwefela.

E tla nna Lesedi ka nako ya maitseboa, (gontse jalo)
O tla bona tsela e e yang kwa Kgalalelo e le ruri;
Gompiano go na le Lesedi mo tseleng ya metsi,
Le fitlegile mo Leinaneng la tlhwalhwa la ga Jeso.
Ikotlhaeng mo dibeng tsa lona lona babotlana le bagolo,
Mowa o o Boitshepo ruri o tla tsena mo teng ga bone;
Lesedi la mo maitseboeng le gorogile,
Ke boammaaruri gore Modimo le Keresete ke selo se le Sengwefela.

Le a bona gore re fa kae?

Ditšhaba di a thubega, Iseraele o a tsoga,
Ditshupo tse baperofeti ba rona ba neng ba di bolelela pele; (gore thoromo ya lefatshe e tla diragalela Baditšhaba go fitlhelela letsatsi la bofelo)
Malatsi a Baditšhaba a setse a badilwe, ba imetswe ke mathothapelo.
Boela gae, O lona ba le phatlaletseng.

Wena yo o neng wa kobelwa kwa ntle, mme araka tse di rweleng ka dikara tse disha, tswela kwantle pele ga lesa le tla ko go wena. Modimo o go tlhomamisitse. Go tla nna jalo.

48 A re buleng mo Lekwalong le lengwe mo Tesetamenteng e Kgologolo, Malaki kgaolo 4, mme re bale kgaolo eo ya 4.

... Bonang, letsatsi le etla le le tukang jaaka leubelo, mme botlhe ba ba ikgogomosang, ee, ... botlhe ba ba dirang bosula, ba tla nna jaaka lotlhaka: ...

Jaanong se ga se ... Ke Malaki 3, e ne e le go tla ga ntlha, jaanong go tla ga bobedi go fa. Tota le Dr. Scofield fano, ga ke dumalane le ene mo dintlheng tsa gagwe tse di kwadilweng ko tlase ga, mme o na le dintlha tse di siameng. "Thomo ya ga Johane", go ya ko go Malaki 3; le "Go Tla ga Bobedi ga ga Keresete," le "Elija pele ga moo" Go siame.

... Ba ba ikgogomosang botlhe ba tla fisiwa ke molelo, go bua Morena wa masomosomo, ga go ketla go sala modi le fa e le kala mo go bone. ("Bobipo jo bo Sakhutleng" bo kae?)

Mme lona ba le boifang leina lame, letsatsi ya tshiamo le tla le tlisetsa ditirelo tsa phodiso, le phodiso mo diphukeg tsa gagwe;.... Mme le tla tswa, mme le tla gola; jaaka dinamane tsa lesaka.

Mme le tla gataka baikepi; ... ba tlaa nna jaaka molora ka fa tlase ga dinao tsa lona mo letsatsing le tla dirang se ka lone, go bua MORENA wa masomosomo.

Gakologelwang ... molao wa ga Moshe motlhanka wame, yo kenneg ka mo laela ... kwa Horeba ka ga Baiseraele botlhe, ... ka ga melao le katlholo.

49 Elija yo o tlang ke yo.

Bonang , Ke tla go romelela moporofeta Elijah ...

Lekwalo la bofelo la Dikwalo la Tesetamente e Kgologolo!

... Bonang, ke tla le romelela moperofeti Elija pele ga letsatsi leo le legolo le le boitshegang la MORENA le tla:

Jaanong, ga e ka ke ya bo e ne e le Johane. Nyaa. Bonanag gore, lefatshe le ne la seka la fisiwa le basiami ba ne tsamaya mo godimo ga baikepi. A le a bona? Nyaa, nyaa.

... pele ga letsatsi le legolo le le boitshegang la MORENA:

Mme o tlaa retolela dipelo tsa borre kwa baneng, le dipelo tsa bana ko go borraabone, e se re gongwe ka tla ka itaya lefatshe ka khutso.

Ela tlhoko kafa Mowa o o Boitshepo o leng boammaaruri ka teng, gore ga o a ka wa dira gore ba etsaetsege ka go tla gabedi ga ga Elija. Malaki 3 e ne ya re, "Bonang, ke roma morongwa Wame pele ga sefatlhego Same." Jeso o ne a botswa ka ga Johane; O ne a re, "Ga le ka amogela, yo ke e ne yo moporofeta a neng a re, 'Ke tla romela morongwa Wame pele Game.' Go lo fa go ne go tewa Elija yo o neng a santse a tla tla." Malaki 3.

50 Ela tlhoko kafa Dikwalo di e tlhalosang ka tlhomamo ka teng. Lebelela gore se ... go bontsha ... bao ba batlang go dumela, bao ba batlang go bona. Gakologelwang, fa Jesu a ne a emisa go bala fa gare ga Temana nngwe ya Baebele, ka gonne karolo nngwe ya yone e ne e diragaditswe ka nako eo, mme e e setseng yotlhe e ne e saletse godiragaletswa go tla ga bobedi ga Gagwe? "Go rera ngwaga o o amogelesegang wa Morena, go hepela ba ba pelo e tse di utwileng bothoko," mme a bo a emisa go bala, e seng "go tsisa katlholo ko Baditšhabeng" go fitlhelela a Tla la bobedi..

51 Ela tlhoko gore Temana e e tshwana le eo. "Mme Ene, Elija, o tla retolola dipelo tsa borre go ya ko baneng." ((Jaanong fa re bua ka Malaki 4, re se ka ra e tsietsega ra e tlhakatlhakanya, le Malaki 3.) Johane, Elija, yo o neng a tla mo malatsing a pele ga go tla ga ntlha ga ga Keresete, o ne a retolola dipelo tsa borre ba bogologolo ba ditlhogo tsa letso gore ba amogele molaetsa wa bana, molaetsa o mosh.

Jaanong lepong. "Le dipelo tsa bana go rettologela ko go tsa bo borre." Mo go teng ga Gagwe ga bobedi, mo malatsing a bofelo, o retologela ko morago ko Tumelong ya baaposetoloigape A le bona ka fa Dikwalo di dumalanang ka botlalo ka teng

Seo e ne e le bokhutlo ja Tesetamente e Kgologolo, Tesetamente e Kgologolo. Jaanong re bona lesedi mo nakong ya maitseboa. Ke eng? Ke kwa godimo, ko thabeng e e bidiwang Thaba ya Treetop.

52 Jaaka ke buile mo mosong ono, re ne re tla ka makoko, ka (e seng setlhare sa namune) jaaka ke buile mo mosong ono, mme re ne ra nna le grapefruit, disurunamune, mefuta yotlhe ya dilo tse dingwe tse di neng di sa tshwane gotlhelele le tsa kwa tshimologong. Mme morago ... Se se ka sa le feta. Ke e etla. Fa ditumelo tsotlhe di sena go nyelela, selo sa ntlha ba ne ba sena Lesed lepe, go tla nna letsatsi le le ka se kang la bidiwa motshegare kana bosigo.

Ba dira eng? Ba dira eng? Surunamone e ba ta eng mo setlhareng sa namune? E tsaya botshelo ja ko tshimologong ja namune e e golang mme e bo fetola ka surunamune. Ke sone se makoko a se dirileng ka Lefoko la Modimo, a dirile gore Lefoko la Modimo gore le se ka la nna le mosola ka ntlha ya dingwao tsa one. Moo KE GO BUA MOWA WA MORENA. A ungwile disurunamune, digwerepe, e seng dinamune.

53 Mme moporofeta o ne a reng? Ene yoo a neng a bua jaana mo temaneng ya rona ya maitseboa ano, "Itumeleng, lona bomorwadia Jerusalema, goang ka lentswe le le kwa godimo, lona barwadia Siona, gonne Kgosi ya lona e tla kwa go lona, e le bonolo e bile e le boikokobetso, e palame tonkana", ela tlhoko gore moperofeti yoo o ne a re, "Go tla tla nako ya go butswa." Letsatsi le romelwa mo lefatsheng go budusa maungo. Ke eng go ne go sa diragale? Ga go na leung foo go butswa. Mme botshelo bontse bo tsweletsepele.

54 E ne ya tswa mo grapefruit, go nna namune, mme ya fitlhelwa e rulagantswe; e ne e le grapefruit. E ne ya ungwa gape, e ne ya ungwa surunamune. E ne ya ungwa gape, ya felela e le sengwe se sele. Mme kwa bofelong, kwa godimo ga setlhare, go ne ga ungwa naraki, e eleng sephato sa namune, sephato sa surunamune; peo e e tswakantsweng, selo se se sentsweng; e ne e le sengwe se se sentsweng, se se neng se tshela ka setlhare se se tshwanang; e ne e le sefako, "e e neng e batla e tsietsa Bakgetlha." E lebeja jaaka namune, mme ga se yone.

"Mme go tla nna Lesedi," fa e gola go feta thulaganyo. Fa e sena go tswa mo mokgatlhong, e tla thunya gape, e tla ungwa dinamune jaaka fa a ne e tsena mo mmung e lengwa, mme go tswa foo e tla nna Lesedi.

Gongokela mo ke eng,; Ke eng se se diragalang? Go diragatsa Lefoko la Modimo. Go na le basupi ba babedi ba Tesetamente e Kgologolo, ba ba bolelang gore seno se ne se tla diragala.

55 A re tseye Johane 14:12, ya Tesetamente e Ntšha, Jesu o ne a re.

... *Yo o dumelang mo go nna, le ene o tla dira ditiro tse ke di dirang; ...*

Gape, mo go Luke 17:22 go ya go 30, O ne a re.

Jaaka go ne ga diragala mo malatsing a ga Lote, pele ga Sodoma a tshubiwa, go tla nna jalo le ka go tla ga Morwa motho mo *letsatsing leo fa Morwa motho a senolwa*.

Oo lebelela Dikwalo fela! "Morwa motho," Jesu Keresete yo o tshwanang maabane, gompiano, le ka bosakhutleng, o ne a gola mo semoweng a seka a nna selekoko, a gola a tsena mo setlhoeng sa Setlhare. O ne a reng mo go Johane 14, kana 15? "Kala nngwe le nngwe e e mo go nna, e e sa ungweng leungo, e a rengwa, e kumolwe, e latlhelwe mo molelong, e fisiwe. Mme kala nngwe le nngwe e e tla ungwang e tla phepafadiwa."

56 Oh, go tla nna le pula ya mmatota ya pele le ya morago mo malatsing a bofelo mo setlhopheng seo se sennye se se tlang le Ene mo tonkaneng eno, ka boikokobetso, se sena- ... kana e se sa lekoko lepe, se goa se re, "Hosanna go Kgosi e e tlang ka leina la Morena!" Go diragetseng gompiano? Ke eng se se ngokelang ko thabeng?

57 E ne go se lebaka le le leele, ke ne ke eme mo borerelong bo, fa Mowa o o Boitshepo o ne wa re, "Letsatsi le tla tla fa ba tla ntshang kota fa pele ga ntlo ya gago; ba tla sutisa kgoro ya gago. Ka jalo, o tla go itlhokomolosa, o sa go galefelele." Ke ne ka bona kgoro yame e thubegile mme e le mo letlhakoreng la thaba. Ke ne ka bona thota e e fa pele game, e epolotswe yotlhe, mapolanka le dilo tse dingwe di ntse di beilwe koo sengwe se neng se e thubagantswe teng. O ne a re ...

Ke ne ka leba, mme go ne go na le Ricky yo monnye yo o neng a tlhatlogetse koo mme a diga kgoro eo, o dirile se. Ke ne ka re, "Ke eng o ne o sa mpolelele?" O ne a ithaya gore o botlhale go nkgaisa, mme ka tshwanelwa ke go mo betsa. Mme e rile go diragala, "Ga ke a dira se ka gore ke ne ke le mo lefelong la bolwelo ja mabolo, mme ke bata fela gore o itse", mme ka bo ke mo ratha gape. Mme e rile fa ke mo latlhela fa fatshe, ke ne ka mo tsholetsa gape mme ka mo ratha a wela fa fatshe gape. Ke ne ka mo kuka, ka makgetlho a le mararo kana a le mane, mme ka mo ragela ko thabeng. Mme jalo ke ne ka ya koo, mme ka re, "Seo ga se a siama". Ke ne ka mo tsholetsa mme ka mo dumedisa ka seatla, ka bo ke re, "Ga ke go galefele, mme ke batla fela gore o itse gore ga o ka ke wa bua le nna ka tsela e e ntseng jalo."

Mme e rile ke retologa gore ke boele ko morago, Mowa o o Boitshepo o ne o eme fa kgorong, o ne wa re, "Jaanong o feta se. Fa kota eo e sena go wela fa fatshe, retologela kwa bophirima."

Lekwalo le, ke sengwe le sengwe se ke se tlhokang,

Lekwalo le ke motswako o o molemo,

Ke tsela e e ntshupegetsang gore ke tile mathata ame jang.

Amene!

Mme Lekwalo leo ke Lefoko, mme Lefoko leo ke Modimo. E dira gore o tile mathata a gago, e go bolelela gore o dire eng.

58 Dingwaga di le tharo tse di fetileng ke ne ka utlwa gore tsala yame, wa motlhatlhoobi wa toropo, o nna gaufi le nna, akokotela kota. Ke ne ka tswela konte koo mme ka re, "Go diragetseng, Mud?" Tsala yame yo e leng morwa wa ga Rre. Kgosi.

O ne a re, "Billy, ba tsile go oketsa tsela e".

Lotlhe le a gakologelwa. Ke ne ka re, "E ka tswa e le borogo". Ke ne ka raya Mokaulengwe Woods ka re, "Tlhokomela dithoto tsa gago. Gongwe borogo joo bo tla feta fa, sengwe se se tshwanang le seo." Tsela e ne e onetse e senyegile; ditena, maje, di ne di latlhetswe gongwe le gongwe. Mme ke ne ka re ... Ke ne ka re, "Tlhokomela dithoto tsa gago". MME e rile ke ...

Rre. King o ne a mpolelela gore seo se ne se tsile go diragala.

Ke ne ka tsena, ka raya mosadi wame yo o neng a ntse foo ka re, "Moratiwa, gona le sengwe se se kwadilweng ka seo. Ke GO BUA MORENA, gologongwe."

59 Ke ne ka tsena ka tsaya lekwalo lame, ka le bala, mme ka bo ke re, "Go tsile go diragala ..." Morago ga dingwaga tse di borobabobedi!

Mme e rile ke le bala, ke ne ka re, "moratiwa ke nako ya gore re lebe ko bophirima".

Malatsi ale mabedi morago ga moo, ke ne ke eme mo phaposing eo mo e ka nnang ka oura ya

lesome mo mosong mongwe, mme ka tsena mo moweng wa Modimo. Ke ne ka bona setlhophanyana seo sa maphoi se fofa, mme ka lebelela dinonyane tseo tse dinnye. Le a go gakologelwa. Ke ne ka bona baengele ba le supa ba ba neng ba lebega jaaka phiramiti, ba tla ba tabogela kwa go nna. O ne a re, "Retogela kwa bophirima, o ye kwa Tucson, o nne dikilometara di le masome a mane kwa bokone botlhaba. Mme o tla bo o kokomolola bogoma kana sethulaphoko mo diaporong tsa gago."

60 Mokaulengwe Fred Sothmann, yo o neng a ntse foo a ntebile gone jaanong, o ne a le teng mo mosong oo. Ke ne ke lebetse ka gone.

Ke ne ka re, "Go ne ga thunya sengwe jaaka thoromo ya lefatshe, se se neng sa tshikinyang sengwe le sengwe mo nageng. Ga ke bone gore motho o ka kgona jang e falola mme a tshela jang." Ke ne ke tshugile. Ke ne ke eme kwa Phoenix, lotlhe ba lo reeditseng mo bosigong jono le ka ntshupela. Ke ne ka rera mo thero ya setlhogo sa, *Borra, Ke Nako Mang?* "Re fa kae?" Ke ne ka ya Bopgirimatsatsi. Bontsi ba lona fa le na le theipi eo, bontsi ja lona bo ne ba e utlwa go buiwa, ngwaga kana go feta ngwaga pele go diragala.

61 Ke ne ka ya kwa Bophirima, ke ipotsa gore go tla diragala eng. Letsatsi lengwe ke ne ka amogela pitso go tswa ko Moreneng. Ke ne ka bolelela mosadi wame, ka re, "Moratiiwa, ke ... gongwe tiro yame e weditswe". Ke ne ke sa itse. Ke ne ka re, "Ke ... Modimo, Modimo o tshwanetse a bo a feditse ka nna jaanong mme ke tla ya Gae". Tsamaya le Billy, le tseye bana. Modimo o tla go bulela tsela, ka tsela ngwe. Tswelala pele o tshela ka go ikanyega mo Modimong. O dire gore bana ba fetsa sekolo, ba godise ka kgakololo ya Modimo."

O ne a re, "Bill, ga o itse—gore seo se boammaaruri".

Ke ne ka re, "Nyaa. Mme motho o ne a ka se kgone go falola seo."

Moso mongwe Morena o ne a ntsosa, a re, "Tsamaya o ye ko Sabino Canyon." Ke ne ka tsaya pampiri le Baebele yame.

Mosadi wame a bo a re, "O ya kae?"

Ke ne ka re, "Ga ke itse. Ke tla ta ke go bolelela fa ke boa."

62 Ke ne ka tthatlogela kwa mokgatšheng, ka tthatlogela kwa godimo ko dintsu di neng di fofa teng. Ke ne ke lebile dikgama tse di neng di eme foo. Ke ne ka khubama ka mangole ka rapela, mme ka tsholetsa diatla tsame, mme tšhaka ya wela mo setleng same. Ke ne ka leba mo tikologong. Ke ne ka ipotsa gore, "Seo ke eng? Ga tsenwe. Ke tshwere Tšhaka e mo seatleng sa e; e phatsima, e galalela, e e tsabakela mo letsatsing." Ke ne ka re, "Jaanong, ga go na batho mo dikilometareng di le dintsi go tswa fa ke leng teng, go ya kwa godimo mo mokgatšheng ono. Seo se ka tswa se tswa kae?"

Ke ne ka utlwa Lentswe le re, "Ke Tšhaka ya Kgosi."

Ke ne ka re, "Kgosi e dira monna yo o tshotseng tšhaka motlhabani."

Ene, eleng Lentswe, o ne a boa, a re, "E seng tšhaka ya kgosi, mme, "Tšhaka ya kgosi, "Lefoko la Morena." A re, "O se boife. Ke Kgogo ya Boraro. Ke tlhomamisiwa ga bodiredi ja gago."

63 Ke ne ke ya letsomong le tsala yame, ke sa itse gore go ne go tsile go diregala eng.

Mme mongwe o ne a nteletsa, ene yo o neng a nkgala ka setshwantsho seo sa Moengele wa Morena, ene yo o neng a se tsaya. Ke ne ka tshwanelwa ke go ya kwa Houston ka morwawe, ka gonne o ne a tsile go atholelwa leso mme o ne a tsile go bolawa mo malatsing a sekae. O ne a nkgatlhantsha mme a ntlamparela a bo a re, "A ko o akanye fela, monna yo ke neng ke mo kgala ke ene yo otsileng go boloka morwaake yo e leng ene fela. Mokgatlho wa batho o nnaya se ba se bitsang Oscar, kana le fa e le eng se o batlang go se bitsa, ka go boloka botshelo."

64 Go tswa foo re ne ra boela morago, mme ke ne ka ya go tsoma kwa thabeng. Nna le Mokaulengwe Fred re ne ra tswa mo ntlong eo moso mongwe, mme ke—ke ne ke setse ke ipolaetse mathinthinyane wame, mme ka leba mme ka bona lefelo le ba neng ba ya kwa go lone. Ke ne ka mo raya ka re, "Mokaulengwe Fred, ya kwa thabeng e le phakela mo mosong, fa letsatsi le tlhaba, mme ke tla ya kwa go e nngwe". Ga nkitla ke hula mathinthinyane, ga nkitla ke mo bolaya. Mme fa ba simolola gape ka tsela e, motlhape oo, ke tla hulela fa pele ga one gore ba boele ko morago."

65 Mokaulengwe Fred o ne a ya koo mme go ne go se na bo mathintshinyane. O ne a ntsholeletsa seatla mme ka mmona. Ke ne ka fologela mo mokgatšheng, ke le mo dikhuting tse dikgolo, letsatsi le ne le tloga le tlhaba. Ke tla tla ka kwa letlhakoreng le lengwe la thota, ke sa akanye sepe ka seporofeso. Ke ne ka nna fa fatshe, ka leta, ke ikhuditse; ke ne ka akanya gore, "Go diragetse eng ka bo mathinthinyane bao?"

Ke ne ka tsholetsa yame ... O ne a nna fa fatshe jaaka ba letso la seIndia nna, le a itse, ba huna maoto ba a kabagantse. Ke ne ka lebelela leoto la obarolo yame , mme go ne go na le sethulaphoko. Ke ne ka e tsaya. Mme ke ne ka re, "Go a gakgamatsa! Ke fano, mo e ka nnang dikilometara di le masome a mane kwa bokonebotlhaba ja Tucson. Mosimanyana wame e bong Joseph o ntse fale o nkemetse." Mme fa ke simolola go leba, ke ne ka bona motlhape wa bo mathinthinyane o tla o le bokgakala ja dimetara di ka nna sekete go tswa fa ke neng ke le teng, ko godimo ga thaba, mme ka latlhela sethulaphoko fa fatshe. Ke ne ka re, "Ke tsile go ba hula". Ke tla ya go tsaya Mokaulengwe Fred, mme ke tla gokelela pampiri e e supang tsela, mo godimo ga motoroko o, mme re tla ya go tsaya Mokaulengwe Fred."

Mme ke ne ka simolola go tthatlogela kwa ko godimo ga thaba, ke siane ka bonako jo ke neng nka kgona ka jone mo letlhakoreng le lengwe. Ka tshoganyetso fela, ke ne ka akanya gore mongwe o mphudile. Ke ne ke ise ke ko ke utlwe modumo o o ntseng jalo, o ne wa tshikinya naga yotlhe. Mme, e rile fa go diragala jalo, ke ne ka bona Baengele ba le supa ba eme fa pele game.

66 Ke ne ka kopana le Mokaulengwe Fred le bone moragonyana ga foo. A re, "E ne e le eng?"

Ke ne ka re, "E ne e le yone."

"O tsile go dira eng?"

"Boela ko lapeng. Gonne, GO BUA MORENA, masaitseweng a a supa a aneng a fitlhegile mo Baebeleng mo dingwageng tse tsotlhe, makoko a le sengwe le sengwe, Modimo o tsile go re senolela masaitseweng ao a a supa mo Dikanong tse Supa"

Go ne go na le kgolokwe e e neng e tthatloga go tswa fa fatshe, e tshwana le mouwane o bopega. Fa e sena go dira jalo, e ne ya tthatlogela kwa thabeng, ya simolola go dikologa e ya kwa bophirima, go tswa kwa e tswang teng. Saense e ne ya e bona morago ga lebakanyana, e le boleele ja dikilometara di le masome a mararo le bophara ja dikilometara di le masome a mabedi le botlhano, e le mo gare ga kgolokwe ya phiramiti.

67 Mme letsatsi le lengwe, ke ne ke eme foo, ka bo ke retolola setshwantsho e se lebisa ko mojeng, mme se ne se supa Jesu jaaka a ne a ntse mo Dipakeng tse di Supa tsa Kereke, a rwele wiki e e tshweu, a supa Bomodimo jo bogolo. Ke Ene Alefa le Omega; ke Ene wa Ntliha le wa Bofelo; ke Ene Moatlhodi yo Mogolo wa Bosakhutleng jotlhe, O eme foo go tlhomamisa Molaetsa wa oura eno. Mme go tla nna lesedi mo nakong ya maitseboa! Mo go gotle ke ka ga eng? E ne e le eng?

68 Ke ne ka ya ko bophirimatsatsi. E rile fa ke feta le Banks Woods mo thabeng yone eo, le ntswe le ne lare, "Tikela lentswe ko godimo. Raya Rre. Woods gore, 'GO BUA MORENA, o tla bona Kgalalelo ya Modimo.'"

Letsatsi le le latelang, fa ke ntse ke eme foo, go ne ga nna le sefefo se seneg sa tsubutla mo dithabeng. Matlapa a a neng a le bokgakala ja dimetara di le tharo kgotsa di le nne go tswa mo tlhogong yame a ne a kgaola ditlhare ko godimo. Go ne ga thunya mo go golo gararo, mme bakaulengwe ba tla ba tabogile. Go ne go na le banna ba ka nna 15 ba eme foo, baruti le bothle ba farologanyeng. "E ne ele eng?" O ne are, "Ke eng?"

Ke ne ka re, "Ke katlholo e e tlang ko letshitshi le le bidiwang West Coast."

69 Malatsi a ka nna mabedi morago ga moo, tharomo ya lefatshe e ne ya batla e nwedisa Alaska. Lesedi le leneng le le ko mo godimo ga Thabeng ya Sunset kwa Sekgweng sa Coronado kwa Arizona e ne e le la eng? Ke eng se se sa tlwaelesegang se se diragetseng ko godimo kwa, se se bakang batho gore ba kgweeletse go tswa bophirimatsatsi ba ye ko botlhabatsatsi, ba tla ba se sela matlapa a a neng a le fa gaufi le kwa go neng go thunya teng? Mme nngwe le nngwe ya one, letlapa mengwe le lengwe, le na le dikhona tse tharo, tse di neng tsa kgaolwa. (Boraro ke Bongwe.) Ba adilwe mo ditafoleng, mo dipampiring tse di bokete, naga e yotlhe. Ke eng selo se se se sa tlwaelegang se se mo Thabeng ya Sunset kwa Sekgweng sa Coronado?

70 Junior Jackson yo o reeditseng, a le gakologelwa toro e a neng a e lora e ke neng ka e ranola, e re, "go tsamaela ko phirimaneng ya letsatsi"? Mme se se ne sa diragala kwa godimo ga Thaba ya "Sunset". Ke nako ya maitseboa, nako ya fa letsatsi le phirima. Molaetsa wa go phirima ga letsatsi ka nako ya ditso di dela, nako ya seporofeso se fela, ke raya, nako ya go seporofeso se diragadiwa. Mme go tla nna le Lesedi ka nako ya maitseboa, mo godimo ga Thaba ya Sunset kwa Sekgweng sa Coronado, dikilometara di le masome a mane kwa bokone ja Tucson. Lebelela mo mmepeng mme o bone gore a Sunset Peak e teng foo. Ke gone koo go neng ga diragala teng. Ke ne ke sa itse ka gone go fithelalamaloba.

71 Sengwe le sengwe se se ... Se se sa ketlang se swa. Se nna se ntse se iphetola. Go tswa ka nako ya se se diragetseng, go ya kwa setshwantshong sa ga Jesu a eme a re lebile; mme jaanong re lebile Thaba ya Letsatsi le le phirimanang, le Lesedi la letsatsi le le phirimanang. Lesedi la mo maitseboeng le setse le tsile, Modimo o a itshupa. Ke eng? Ke boammaaruri ja gore Modimo le Keresete ke selo se le

sengwe. Ke ba le ka fe ba ba neng ba bona wiki e e "tshweu," e A neng A e rwele, jaaka re ne ra bua ka yone mo go Tshenolo 1? Bonang, Bomodimo jo Bogolo, Bolaodi jo Bogolo; ga go na lentswe lepe gape, ga go na modimo o mongwe, ga go na sepe se sengwe! "Mo go Ene botlalo jotlhe ja Bodimo bo agile mo go Ene ka sebele,." Baengele ka Bobone e ne e le wiki ya Gagwe. Amene.

72 Go diragetse eng kwa Thabeng ya Sunset? Modimo o ne a tlhomamisa Lefoko la Gagwe. Kesone se se tsositseng modumo o. Ela tlhoko, ke Modimo a diragatsa Lefoko la Gagwe le a le solofeditseng, go tswa mo go Tshenolo 10:1 go ya go 7, Mme mo malatsing a Molaetsa wa moengele wa bosupa, masaitseweng a Modimo a tshwanetse a bo a weditsewe." Masaitseweng a a fitlhegileng a a mo go Tshenolo 10:1 go ya go 7, Molaetsa wa bofelo wa paka ya kereke ya bofelo. Paka e e diragatsa se se kwadilweng mo Lokwalong la ga Moitshepi Luke 17:30 e leng, "Letsatsi le Morwa motho a tla senolwang ka lone."

. "Gape go tlhaga baperofeti ba maaka le BoKeresete ba maaka, ba tla dira ditshupo tse dikgolo le dikgagamatso, mo e leng gore go ne go ka tsietsa le Bakgethwa fa go ne go kgonega." Batho bantse ba belaela. Mme jaaka go tlwaelesegile, kereke le yone e maketse.

73 Mmeba saense, mo Tucson yotlhe ba ntse ba kwala ditlhogo mme ba di tsenya mo pampiring ya dikgang. Ko morago kwa Thabeng ya Lemmon, dikapa ditshwantso tse dikgolo ga di a ka tsa e kapa fa e ne e tlhatloga go tswa fa re neng re eme teng; e tsamaya e ya kwa bophirima, go supa gore nako e fedile. Ga e kake ya sutla mme go na le karolonyana fela koo; e kwa letshitshing le la West Coast. Katlholo e ne ya nna fela jaaka e ne ya nna. Go ya kwa godimo kwa Phoenix go ya kwa Prescott le go kgabaganya dithaba go ya kwa West Coast, go ya kwa ... E ne e ya kae? Go fitla kwa Alaska, mme e a duma, e ytsamaela kwa tseleng eo.

74 Mme ba ba sekasekang le botlhe ba ba kwa Tucson ba santse ba botsa, dipatlisiso tsa saense di leka go bona gore ke eng. Le ko godimo ga e kake ya bo e le mouwane, monyo kana sepefela ko godimo koo. "Le dirilwe ke eng? Le ko kae?" Ba gakgamaditswe ke go bona Leru leo le le sa tlwaelegang e le mo loaping fela jaaka ba ne ba gakgamala fa Badisadinaledi ba ba neng ba sala morago Naledi, bare, "O kae yo o tsaletsweng go nna Kgosi ya Bajuda?" E ne e le eng? Modimo o diragatsa lefoko la Gagwe, "Mme go tla tlhaga go tswa mo go Jakobe."

75 Mme Modimo wa Legodimo o ne a solofetsa gore go tla nna le masedi a maitseboa. Dingwaga di le tharo tse di fetileng, masaitseweng a e ne e le seporofeso?" Jaanong ke ditso. Se fetile. Tsholofetso e diragaditswe. Nako ke mang, rra, gape ke eng se se ngokelang se? Ke Modimo a diragatsa Lefoko la Gagwe! O tshwana maabane, gompieno le ka bosakhtleng.

A re rapeleng.

76 Modimo yo o rategang, ke rerile ka lebaka le le leele ka jalo ke tswerwe batho lebaka go feta kafa ke neng ke ikaeletse. Ke a rapela, Modimo, gore se se builweng kana se se dirilweng se dire batho gongwe le gongwe go tlhaloganya. Mme ka go bona le go tlhaloganya ba kgone go dumela gore O Keresete wa boammaaruri, le gore Mafoko a a tlhomamisitsweng ke a a tlhomamiso ya gore Lefoko la Gagwe le itekanetse le gore le tla diragadiwa ka nako ya lone.

Jaanong, Morena Jesu, ka Mafoko a Gago, O ne wa bua gore lefatshe le tla nna jaaka Sodoma. Re a itse re kgona go lemoga. Mme o ne wa re, mo letsatsing leo, "jaaka go ne ga nna kwa Sodoma." Go ne go na le barongwa ba le bararo ba ba neng ba romelwa kwa lefatsheng la Baditšhaba le la Bahebera. Mme mongwe wa bone, yo e neng e le Modimo ka Sebele, Morwa motho, o ne a itshupa a le mo sebopegong sa motho mme a dira kgakgamatso, mo e leng gore o ne a bolelela Aberahame se Sara a neng a se dira kwa morago ga Gagwe mo tenteng.

O ne wa bua gore go tla diragala gape fa lefatshe lotlhe la Baditšhaba le tla bo le le mo seemong sa Sodoma. Mme re fano mo seemong sese tshwanang Morena. Diporofeso tse dingwe di tlhomamisa selo se se tshwanang, sa go romela Elija mo malatsing a bofelo, Mowa wa ga Elija mo lefatsheng, go busetsa dipelo tsa borre, kana, "tsa bana di boela kwa go tsa borraabone." Modimo ke rapela, gore mo nakong e o tlhomamisa Lefoko la gago, ka gore o ntse o tshwana maabane, gompieno, le ka bosakhtleng. Diragatsa jalo, Rara. Ke ba Gago botlhe. Ke rapela gore o re neye masego a gape o tlhomamisa se se builweng, go isa Kgalaletso ko Modimong Mo Leineng la ga Jeso Keresete. Amene.

77 Motho ke ene a ka buang lefoko, mme Modimo ke Ene a tlhomamisang lefoko. Go bua, ke sengwe se le sengwe; mme gore Modimo a se tlhomamisa ke sengwe se sengwe. Modimo ga a tlhoke moranodi ope; o dira tlhaloso ya gagwe ka BoEne.

Jaanong fa Modimo a ratile, re baakanyetsa gore re nne le mola wa thapelo, go rapelela balwetse. Mme re a itse gore ga go na ope, monna ope, mosadi ope, motho ope, moengele ope, yo o ka go fodisang, ka gorene Modimo o setse a dirile jalo. O setse a baakantse, se o tshwanelang ke go se dira ke go se amogela.

78 Ga go na motho, ga go na moengele, ga go na sepe, tota le Modimo ka BoEne, yo o ka go itshwarelang dibe tsa gago. Gi setse go dirilwe. Jeso o ne a dira jalo kwa Mokgorong. Mme ga le ketla le go go tswaledisa, kana sepefela, kana le go solegela molemo go fitlhela o le amogela. Le a bona?

Selo se se ka dirwang fela, ke ditaello tse di Modimo a di fileng, badumedi gore ba beye balwetse diatla. Ba sale ba ntse ba tlhola ba dira jalo, ka dipaka tse tsotlhe, mo ditsosolosing. Mme ba ne ba go bitsa, "Modimo."

79 Aborahame o ne a bona ditshupo tse dintsi. Mme go ne ga tla nako e Aberahame a neng a bona sesupo sa gagwe sa bofelo, pele fela ga Sodoma e tshubiwa, mme seo e ne e le fa Modimo a ne a Iponatsa a le mo sebopegong sa motho. A le dumela seo? A Jeso o reile go tla diragala gape?

80 Jaanong, ke ba le kafe fa ... Mme mo seromamoweng, kana mo megaleng ya difouno naga ka bophara, fa e le gore sa ntse o reeditse, ipaakanyetse thapelo jaanong, le lona ba le tshotseng disakatukwi fa. Jaanong, ga ke ka ke ka bolelela Modimo gore a dire eng. Nnyaa, ke seka ka ba ka leka le go go leka. Ke molaudi; O dira se a batang go se dira. Ke ka kgona fela go mo ikobela mme ka bua fela se a se buang.

81 Mme jaanong ba eme go dikologa makoma, ba pitlagane, ba kgotlhagane. Ke ipotsa gore a re ka botsa Modimo ka mafoko a, "Ngoko e ke ya eng?" Fa Modimo a ne a ka bereka gape mo magareng a rona (go ka tswa go na le batswakwa fa), mme a bereka mo magareng a rona mme a re bontsha sefatlhego sa Gagwe se se segofaditsweng mo magareng a rona, a resupegetsatsa Mowa wa Gagwe fa, a re supegetsatsa gore O a tshwana maabane, gompieno, le ka bosakhutleng, gore mongwe le mongwe wa rona (morago ga melaetsa e mebedi e e maatla) a ka dumele gore go ntse jalo?? A le ka dumela? Go siame.

82 Go na le go nna le mola wa thapelo go rapelela batho, go ne go le mogote, go tletse, batho ba eme leboteng. Ke ne ka leba ka kafa, go bitsa mola wa thapelo, ke ne ka seka ka kgona go dira jalo, ke leba, ba eme foo. I ke ka bitsa ba ba *ka fa*? Go tetse balwetse, ba rapaletse foo mo malaong, le sengwe le sengwe; o ne o ka seka wa dira jalo. Ka jalo nna fa o leng teng, mme o dumele Modimo. Fa o na le karata ya thapelo, go tla bo go siame, o e tshware. Re tla bitsa leina la gago fa e le gore o batla go tsena mo moleng wa thapelo. Mme ga se gore o tshwanetse go tsena mo moleng wa thapelo.

83 Rre. Shepherd, ga a ise a ke a tsene mo moleng wa thapelo, maloba bosigo ka Tshipi e e fetileng. Ga ke—Ga ke tseye gore o ne a na le karata ya thapelo. A Rre. Shepherd o teng fano mo bosigong jono? O ko kae? A o teng fa? O ko morago. Rre, Shepherd, a o ne o na le karata ya thapelo? O ne o sena nayo? O ne a sena nayo. O kotame fale gape, mo bosigong jono. Lefelo leo ontseng fa go lone ke lefelo le le siameng, Mokaulengwe, Shepherd.

84 Ga se gore otshwanetse wa bo o le ntse foo fela mme o tshwanetse go nna le tumelo fela. Gakologelwa, mosadinyana yo o neng a tshwara seaparo sa Gagwe mme O ne a ikutlwa a felelwa ke nonofo. Mme o ntse o tshwana maabane, gompieno le ka bosakhutleng. Mme mo go Bahebera, mo Tesetamenteng e Ntsha, lekwalo la re ke ene Moperesiti yo Mogolo mo bosigong jono yo o "amiwang ke maikutlo a makoa a gago." A o dumela seo? Jalo nna le tumelo! O seka wa belaela. Dumela, mme go tla diragala. O ka amogela se o—se o se kopilengm fa o le dumela. Mme o tshwanetse go le dumela. O tla dira jalo? A lotlhe le tla le dumela? Ke ba le kafe ba ba tla le dumelang jaanong? A Modimo a le segofatse.

Ga ke itse gore mang ke mang. Ga ke itse ope wa lona. Ga tiro yame gore ke itse ope wa lona. Ke tiro ya Modimo go itse dilo tse. Mme o tla le diragatsa fa le le dumela. A jaanong le tla le dumela?

85 Jaanong, Modimo yo o rategang, ruri ga re setlhopho sa Bakeresete ba peo e e tsokantsweng, ga re a tshwanela go nna jalo, fa motho a tshwanelwang ke go pepetletswa le go tsewa jaaka ngwana yo o monnye. Ga o na batho ba mofuta o o ntseng jalo, Morena. O na le badumedi ba ba nonofileng ba tlhaga. Boleng teng ja Modimo bo dira gore pelo ya motho e tuke. Jaaka Aborahame, a ne a dumela Modimo. O ne wa mo Ikitsise, mme morago ga moo O ne wa tla kwa go ene wa dira sesupo, mme a go dumela. O ne wa fetola mmele wa gagwe go nna wa lekawana, le wa mosadi wa gagwe gape, mosadi wa gagwe yo eleng karolo ya mmele wa gagwe. Mme go tswa foo go ne ga tsholwa ngwana, morwa wa tsholofetso.

86 Modimo, O ne a solofetsa gore go tla nna fela jalo le gompieno. Ke rapela gore o tlhomamise Lefoko leno. Mme re tla boa ka tsholofetso eo e nngwefela, gore e tla tshwana le jaaka go ne go ntse kwa Sodoma, pele fela ga Sodoma a tshubiwa le katlholo e wela Sodoma, eleng lefatshe la Baditshaba. Ka jalo katlholo e baakanyetsa go wela lefatshe la Baditshaba, mme Bajuda ba tla nna le dingwaga tse dingwe gape tse tharo le sephatlo ka nako ya Pitlagano, mathata a ga Jakobe, e leng tswalediso ya ga dibeke tse di masome a supa tsa ga Daniele. Mme, Baditshaba ba setse ba badilwe, ke nako ya gore re tsamaye. Mme O ne wa fa sesupo seo, mme O ne Wa re go tla diragala gape. Modimo, a go diragale. Ba, re mo diatleng tsa Gago, dira le rona jaaka o bona go tshwanela. Mo Leineng la ga Jeso Keresete. Amene.

87 O seka wa tshoga jaanong Go tla nna jang fa ke ka tshoga? Jaanong, ke dira sengwe fano se se ikaegileng ka bolaodi ja Modimo. Mme ke eng ke dira se? O rile go tla nna jalo. Seo ke makgaola kang. Mme fa e le gore o dira gore a nne jalo, a tlhomamisa jalo fa pele ga gago, a ga o ka ke wa Mo dumela? E le ruri. NNa le tumelo mme o dumele jaanong.

Mma ke lebelele go bona gore Mowa o o Boitshepo o tla nkisa kae, gore o tla dira eng. Ga ke itse gore O tla dira eng, go mo go Ene. Mme ga o ka nna le tumelo fela, o dumela fela, "Dilo tsotlhe di a kgonega mo go ba ba dumelang." A le dumela seo lotlhe, tsholetsang matsogo a lona mme le re, "Ke a se dumela". [Phuthego e a raba e re "Ke a le dumela." — Ed.] Ke dumela seo ka pelo yame yotlhe.

88 Jaanong, boraro ke tlhomamiso, fa A ka dira jalo ka makgetlo a le mararo, go tlhomamisa gore go ntse jalo. Ga ke kgathale gore o fa kae, gore o mang, wena nna le tumelo fela mme o dumele. Jaanong, le seka—le seka la tshikinyega la tsamaya tsamaya. *ka fa*.

Mosadi, yo o rapelang, Ga ke go itse. Nna fela fa o leng teng; ga go tlhokafale gore o tle fa. Ga ke go itse, mme o tshwere mosetsanyana ka seatla sa gago, kgana mo diropeng tsa gago. Ga o nkitse gotlhelele. Mme mosetsanyana o lebega a itekanetse, o lebega a itekanetse. Ke mosetsanyana yo montle, mosetsanyana yo o moriri o mohibidu. Ke mo lebeletse fano, ga a lebege a na le bogole bope ka na sepe fela. Ga ke itse gore go na le mathata fa kae mo go ene. O ka tswa o sa tela ngwana; o ka tswa o itetse. Mme ke ne ka go bona o ntse foo le ngwana yoo, o rapela. Ke tshwanetse go bua le wena ka motsotso, go kgona go lemoga mowa wa gago, jaaka Jeso a ne a ray mosadi are, "Ntshiela metsi ke nwe", go bona—go bona gore ke motho yo o ntseng jang. Mokaulengwe Bryant le ba ba ntseng fano, ke itse batho ba ba ba ntseng fano. Le bone ba ka tswa ba tlhoka, mme wena o ne o le moeng.

A o dumela gore ke moporofeti wa Modimo? A o dumela gore dilo tse o di utlwileng mo bosigong jo ke Boammaaruri? Jaanong, fa Modimo a ka ntshupegetseng sengwe se o se dirileng, kana sengwe se o sa tshwanelang go bo o ne o se dirile, kana sengwe se se sa nnang sentle ka wena, kana gore dikeletso tsa gago ke eng, o tla itse gore a ke boammaaruri kana nnyaa. A o ka seke wa dira jalo? Mme fa a ka dira jalo, a go tla tlhomamisa Lefoko la Gagwe gore o ntse a tshwana maabane, gompieno le ka bosakhutleng, le gore Moitshepi Luke 17:30 a bonagadiwa? A le a dumela?

89 Jaanong, mosadi yo o ne a tsholetseng letsogo la gagwe gore supa gore ke baeng. Ga ke go itse, mme ke leka go go sekaseka mowa wa gagwe, motho a le mongwe. Gona le kgogo go tswa mo go ba bantsi. Jaanong, dumela se ka pelo ya gago gago.

Jaanong, ke mabapi le mosetsanyana. Ga se ka ga gago. O na le letshogo, mme ga se letshogo le le go tshwenyang. Selo se tona se se mo pelong ya gago ke mosetsanyana yoo. Mme a o dumela gore Modimo a ka mpolelela gore ke eng? A o a dumela? A go ka go thusa, a o tla dumela go tswa foo? Ke kgobalo ya boboko. Go ntse jalo? Jaanong baya seatla sa gago mo tlhogong ya ngwana; seatla sa gago.

90 Modimo yo o rategang, o ne wa re, "Ditshupo tse di tla sala ba ba dumelang morago. Ba tla baya balwetse diatla, mme ba tla fola." Mosadi ke modumedi. O beile ngwana letsogo. A a fole. Ke rapela thapelo e, mo Leineng la ga Jeso Keresete, In the Name of Jesus Christ, I offer this prayer. Amene.

A jaanong o a lotlhe le a dumela? Fa o ka dumela, dilo tsotlhe di a kgonega. E le ruri!

Ke itse mosadi yo o neng a ntse go bapa le ene, mme o lebile kwano ka tlhoafalo. Ga ke kgone go bitsa leina la gagwe, mme ke ... Fa nka mo leba ka motsotso fela, ke tla itse. Mme ke itse mosadi ka ditebego, mme ga ke itse gore bothata ja gago ke eng. A o dumela gore ke ... Modimo o tla mpolelela gore bothata ja gago ke eng? O tla dumela ... A go ka go thusa? Ke bolwetse ja sukiri. Jaanong, fa e le gore go ntse jalo, intshware mo letsogong. E le ruri!

Go ne ga diragala gore mosadi yo o neng a rapame ... a ntse go bapa le wena, o na le bothata jo bo tshwanang. Ke moeng. Mosadi yo mongwe o rapelela mongwe, ngwana wa segole. O dumela ka pelo ya gago yotlhe, Modimo o tla go go naya.

91 Mongwe ko morago foo. Monna yo o ntseng foo, o leka go tlogela go goga motsoko. A o dumela gore Modimo o tla ntsha go kgeipa motsoko mo go wena? Go siame. A o a dumela? O ka go amogela. Ga ke ise ke bone monna mo botshelong bame.

Ke monna. A o bona moriti o montsho o o mo godimo ga monna yo yo o rapameng fa mo bolaong kana mo setulong? O a swa. O okametswe ke moriti. O na le kankere. Ga ke itse monna yo, ga ke ise ke mmone. Modimo o itse gotlhe ka gone. Seo ke nnete, rre. A o dumela gore Modimo a ka mpolelela sengwe ka ga gago? A go ka go thusa go amogela pholo ya gago? [Mokaulengwe o araba a re, "Ee, ke a dumela" — Ed.] O tsisitswe kwano ke tsala. Mme ga o tswa kwano, o tswa kolo gongwe ko go nang le metsi a mantsi a batho ba tshwarang ditlhapi mo go one. ["Ee."] Ee, ko Albany, Kentucky. ["Go ntse jalo."] Go ntse jalo. Dumela, mme o ka boela gae. Dumela o fodile. Fa o go dumela! O tshwanetse go dumela, mme o dumele gore go diretswe wena. A o a dumela?

92 Wena yo o tswang kwa Tennessee, o na le mosimane yo o nang le bolwetse ja khupelo e tona. Ga se fa, mme o dumela gore o tla fola? Jalo tsaya sakatukwe, ya gago ... mo seatleng sa gago, o e beye. O tla fola fa o dumela seo.

Mosadi yo o neng a lela, yo o neng a ntse go bapa le Dr. Vayle, yo o neng a lela. O okangwe ke moriti,, moriti o montso. Ga ke ise ke bone mosadi yoo mo botshelong ja me, mme o na le kankere. O tla swa fa go sa dirwe sengwe ka ene. A o dumela gore o tla go fodisa, mosadi?? A o ka dumela? O ka amogela pholo ya gago, fa o ka dumela fela.

Go na le mosetsanyana mongwe yo o ntseng fa morago ga gagwe a beule sakatukwi mo molomong wa gagwe. Gape o na le ditlhagala mo mpeng, o a lwala. O ntse o na le go idibala, o fofala, wa bo o wa. O tsisitswe ke mongwe kwano. O na le mathata a bolwetse ja sesadi. Fa o dumela, o ka boela kwa lapeng, o fole.

93 Wena, lekawana, ontseng fa pele game fa, o ntibile, o moeng. Letso la gago ke lone mang, a o MoPuerto Rican kana sengwe se ssa go nna jalo? Ee, se ke neng ke se raya, ...?...! Ga o nkitse. O itse seo; ga o tswe ko lefatsheng lame. A mme o dumela gore Modimo a ka go fa keletso ya pelo ya gago? Fa nka go bolelela kelotso ya gago, a otlala se amogela? O batla go ko lobediwa ka Mowa o o Boitshepo. Seo ke boamaruri. Amogela Mowa o o Boitshepo, mokaulengwe wame.

Monna mongwe wa motho montsho o ntse ko morago fa, o na lesengwe se se motshwenyang mo pelong ya gagwe. Ke ka ga mosadi wa gagwe. Tota ga a yo fa. O na le mathata mo leotong la gagwe. A o dumela gore O tla mo fodisa? A wa dumela? O moeng fa. O tswa go tola lewatle. O tswa ko Jamaica. A o dumela gore Modimo o ka mpolelela gore ke wena mang? Rre, Brady. A o a dumela? Jesu Keresete o ntse a tshwana maabane le gompiano le ka bosakhutleng.

94 Mosadi yo yo o ntseng kwa morago kwa ntlheng eno, gobapa le Mme. Wright fale, o na le sengwe mo pelong ya gagwe. O rapelela ngwana wa gagwe wa mosetsana. O tshwanetse go dirwa loaro. A o a mo dumelela ka pelo ya gago yotlhe? Fa o ka mo dira gore a dumele gore o tla fodisiwa, o tla seka a tlhoka go ariwa. Ga ke kake ka fodisa.

Ke bona Mowa wa Modimo, Moengele, le lesedi le tsamaya mo ntwaneng ya bomme ba ba nang le bana ba ba nnye, kwa morago kwa. O okame mosadi yo o mmotlana, mme o na le bothata ja semowa jo a akatseng ka jone. Go lebege ka tsela nngwe e kete ke tshwanetse go itse mosadi yoo, yo o mmotlana. Gape o na le bothata ja sesadi. Ee. Leina la gagwe ke Mme. West, o tswa kwa Alabama, Mme. David West. Modimo o tla go fa se o se kopang, dumela.

95 "Go tla nna le Lesedi, mme ka letsatsi leo fa Morwa Motho a tla bo a senolwa ka lone" Fa e le gore Jesu Keresete ga a tshwane maabane, gompiano le ka bosakhutleng, ga ke itse sepe ka ga gone. A o dumela seo? Tsotlhe di a kgonagala mo go ba ba dumelang.

Mo di-microphoneng tse di gasang thero ka bophara ja lefatshe le go ne jaanong, le mo motlaaganeng ono, ke ba le kafe ba lona ba ba ka tsholetsang matsogo a bone mme ba re, "Ke modumedi"? Jaanong, lona ba le mafelong a a farologanyeng, mongwe le mongwe a tsholeleditse matsogodi a gagwe ko godimo, fa. Mme ko o kwantle kwa kgakala golo gongwe go ralala naga eo, le tsholeleditse matsogo a lona ko godimo, go sena pelaelo. Jaanong tswala matlho a gago, mme o beye matsogo a gago mo mongwe yo o bapileng le wena. Ba tshware ka letsogo. Le beye mo legetleng la bone. Ke beile matsogo ame mo disakatukwing. Lebelelang se se dirwang mo letsatsing leno! Lebelelang se se dirwangompiano!

Go lebeletswe sefatlhego sa Gagwe se se boitshepo
Phatsimo ka lerato la Bomodimo.;
Ba ba nang le karolo mo mohaung wa Gagwe.
Jaaka digeme go phatsima mo koroneng ya Gagwe.

Jaanong rapela. A re rapeleng rotlhe gongwe le gongwe ko o leng teng.

96 Modimo yo o rategang, nako e gorogile. Se se raya eng? Modimo o diragatsa Lefoko la Gagwe! Ke eng se se ngokang, Morena? Ke Modimo a diragatsa Lefoko la Gagwe. Ke eng se se diragalang naga ka bophara, ka megala e e gokeletsweng mo difounung, gore batho ba le makgolokgolo ba bo ba baane matsogo naga ka bophara, go tswa mo Letshitshing le lengwe go ya kwa go le lengwe, go tswa kwa Bokone go ya kwa Borwa, go tswa kwa Botlhaba go ya kwa Bophirima? Fano go na le batho ba ba tswang kwa dinageng di sele, kwa dinageng di le dintsi, Mexico, Canada, mme re baane matsogo re rapelelana. Modimo a diragatsa Lefoko la Gagwe!

Go tla jang gore motho a eme fano ka Mowa o o Boitshepo mme a bitse monna yo o tshwanang le ene jaaka a ne a bitsa Simone Petoro, "Leina la gago ke Simone, o morwa Jona"?

"Tsamaya o ye go tsaya monna wa gago mme le tle fano."

"Ga ke na monna."

"Ke boammaruri. O na le bale batlhano."

O ne a re, "Ke a itse gore Mesia o tla tla go dira seno, mme Wena O mang?"

O ne a re, "Ke Ene."

97 Mme O ntse O tshwana maabane, gompieno le ka bosakhutleng. Mme o solofeditse gore, "Ditiro tse ke di dirang le lona le tla di dira". Mme le tla dira tse dikgolo go feta tseno, ka gonne ke ya kwa go Rara." "Mme, bonang, mo malatsing a bofelo ke tla le romelela moperofeti Elija, mme o tla fetola megopolo ya batho, a busetsa dipelo tsa bana kwa thutong ya baaposetoloi ya Baebele." "Mme go tla nna le Lesedi ka nako ya maitseboa."

Re fano, Modimo yo o Mogolo wa Legodimo! Nako e setse e fitlhile! Batho ba baane matsogo.

Satan, o fentswe. O moaki. Mme, jaaka motlhanka wa Modimo, gape jaaka batlhanka, re go laela mo Leineng la ga Jesu Keresete, gore o obamele Lefoko la Modimo, mme o tswe mo bathong, ka gore go kwadilwe gore, "Ba tla leleka badimo ka leina Lame."

Mme gore batho botlhe bagololesege. Re neye seo Modimo yo o rategang. O Modimo wa Legodimo yo o neng wa fenya, malwetse otlhe le ditiro tsotlhe tsa ga diabololo. ka letsatsi le o neng wa dira gore go nne le sengwe se se ngokelang kwa Thabeng ya Kalevari, O modimo. Gape batho ba ba fodisitswe ka dithupa tsa Gago. Ba gololesegile. Mo Leineng la ga Jesu Keresete. Amene.

98 Modimo, sakatukwe nngwe le nngwe e e leng fano, Fa Mowa wa Modimo o santse o le teng fa, le tlotso ya ga Jesu Keresete e sa ntse e le mo bathong, gape ditshupo tse dikgolo tse di neng tsa solofetswa di sa ntse di diragadiwa, le lefatshe le roromisiwa ke dithoromo tsa lefatse tse di diragalang, le ditshupo tse dikolo tse a buileng ka tsone, le Dikwalo di diragadiwa, le Lesedi la mo maitsiboeng le phatsima. fa ditshupo tse dikgolo tse a di solofeditseng di diragadiwa, le fa lefatshe le roroma, fa dithoromo tsa lefatshe di direga, fa ditshupo tse dikgolo tse a di boleletseng pele, le fa Dikwalo di diragadiwa, gape le Lseedi la mo maitseboing le phatsima. Ke rapama fa godimo ga disakatuku tse, ke emela setlhopho se sa badumedi go tswa kwa Botlhaba, Bophirima, Bokone, le Borwa; gape ka bo ke laela diabole ke re, "Ka leina la ga Jesu Keresete, tlogela molwetse mongwe le mongwe yo disakatukwi tse di tla beiwang mo go ene, go isa tlotlo le kgalaletso ko Lefokog la Modimo Ka Leina la Lefoko la Modimo, Jesu Keresete wa Nasaretha. Amene.

99 Jaanong, ka tidimalo, ka tlhwaafalo, le tshisibalo, le megopolo e e itekanetseng, a jaanong jaaka badumedi a le a dumela gape le amogela pholo ya lona e e tswang ko go Modimo Mothatayotlhe, mo Leineng la ga Jesu Keresete? Fa le dumela tsholetsang matsogo a lona. Lotlhe ba le ko mafelong a a farologanyeng, tsholetsang matsogo a lona fa le leng teng. Mongwe le mongwe yo o fa, Ka fa ke neng ke lebile ka teng, mongwe le mongwe fano, o ne a tsholeditse matsogo a gagwe; ba ba mo teng, kontle, le ba ba lebileng ka difensetere, le ba ba emeng mo dikgorong, mo matlwaneng a bana, le gongwe le gongwe, batho ba tsholeditse diatla tsa bone. Ba amogela pholo. Sataane o fentswe! Dthupa tsa ga Jesu Keresete di go fodisa, gape boleng teng ja Jesu Keresete bo tlhomamisa gore O a tshela gompieno, O a kgona ka nako tsotlhe go diragatsa tsholofetso nngwe le nngwe e A e dirileng. Amene! Ke a Mo dumela. A ga le mo dumele? [Phuthogo e a raba e re, "Amene." — Ed.]

100 Jaanong a re enmeng ka maoto a rona. Mo Leineng la Morena Jesu, re amogela sengwe le sengwe se se dirwang kana se se buiwang, re mo rata ka dipelo tsa rona tsotlhe. Re mo rata ka mo gotlhe mo go mo go rona. Jaanong jaaka le tla bo le ya kwa malwapeng a lona a a farologaneng mo bosigong jono, a Modimo a nne le lona. Modimo a go fe Mowa o o Boitshepo fa o sena Mowa o o Boitshepo.

101 Monna, mosadi, mosimane, mosetsana mongwe mongwe, yo o fa yo o sa kolobediwang mo Leineng la ga Jesu Keresete, go na le diaparo, le letamo le go tunkelwang mo teng le re ka kolobeletsang mo go lone. O se ka wa beela sese ka se dirwang mo bogompionong go re o se dire kamoso. Kamoso go ka nna ga bo go le tlhari. "Letsatsi lengwe le lengwe le lekanwe ke bosula ja lone." Go na le bareri ba ba le emetseng, le diaparo di le emetse. Ga gona seipato. A o letile? Fa o letile, dumela. Go sa kgathalesege gore o kolobeditswe jang, a o kgatshitswe ka metsi, a o tshetswe ka metsi, go sa kgathalesege gore ke eng, ke phoso. Lesedi le tsile. Tlaya, o dumele, mme o kolobetswe.

Mongwe le mongwe yo o se nang Mowa o o Boitshepo, amogelang Mowa o o Boitshepo, mongwe le mongwe wa lona, ka Maatla a Modimo a a tletseng le lorato le A le solofeditseng lone, go le dira sebopiwa se sesha mo go Ene. Modimo a le segofatse.

102 Jaanong, go fitlhelela ka Sontaga se se latelang mo mosong ka nako ya 9:30, a re opeleng pinanyana e e re neng re e te re e opele dingwaga tse dintsi tse di fetileng.

Se lebale thapelo ya lelapa,

Jesu o bata go kopana le wena koo;

O tla tsaya matshwenyego a gago,
Se lebale thapelo ya lelapa.

A e e opeleng rotlhe.
Se lebale thapelo ya lelapa,
Jeso o batla go kopana le wena koo;
O tla tsaya matshwenyego a gago otlhe,
Oo, se lebale thapelo ya lelapa.

Jaanong jaaka re tla bo re e opela gape, dumedisanang ka matsogo le moete yo o bapileng le wena,
jaaka fa re ta bo re opela.

Se lebale thapelo ya lelapa,
Oo, Jeso o bata go kopana le wena koo;
O tla tsaya matshwenyego otlhe a gagwe,
Oo, se lebale thapelo ya lelapa.

103 A ga le Mo rate? Ke a Mo rata. Ke a mo raka ka go a nthatile lantlha gape a reka polokjo yame (seo e ne e le ngokelo) ko thabeng e e bidiwang Mount Calvary. Ene e le nokego yone e e tshwanang le ya ko thabebeng ya Sunset Mountain, le ya Mount Nebo, le ya Mount Sinai, tsotlhe ditlhaba di ne di na le boikutlelelo jo bo farologanyeng. Janong, go diame, a re opeleng jaanong.

Ke a mo rata, Ke a mo rata
Ka go bo a nthatile pele
Gape o re- ... poloko
Ko setlhareng sa Calvary.

Botlhe ba ba mo ratang, le re, "Amene." [Phuthego e a araba e re, "Amene." — Ed.] A go nne jalo! Jaanong akanya fela se A se go diretseng; akanya, gore o ka bo o le kontle kwa ko marekisetsoeng a bojalwa mo bosigong jono. Gongwe le wena o ka bo o le mo lebitleng jaaka nna, kwantle ga mautlwelobotlhoko ya Modimo. O ne a go direla eng? Oo, re ka emisa go mo rata jang? Ga go dire pharologano ka se batho ba se buang, Ke Ene wa ntlha.

104 A re tswaleng matlho a rona, mme re obe ditlhogo tsa rona jaaka re Mo opelela jaanong. O rata dipina, go opela difela. A re e mo opeleleng jaanong.

Ke A mo rata, Ke A mo rata
Ka go bo a nthatile lantlha
Mme a reka poloko yame
Ko setlhareng sa Calvary.

Ka ditlhogo tsa rona le dipelo tsa rona di obilwe mo boleng teng ja Gagwe, re lebogela se matlho a rona a se boneng, se ditsebe tsa rona di se utlwileng, se se kwadilweng mo Lefokong la Modimo, se a re solofeditseng sone gompieno. A Modimo a le segofatse.

105 Re na le—le moeng mo bosigong jono, mokaulengwe, Ned Iverson, yo e neng e le moruti wa Presbyterian. Rraagwe le bomonnawe ke baruti ba kereke ya Presbyterian. Ke tlhaloganya gore o ne a kolobediwa gape gompieno, mo Leineng la ga Jesu Keresete. Ke moruti, gape yo o seiametseng seo. Mme jaanong ke tsile go mo kopa, ka gonne ke dumela gore ke motlhanka wa Modimo, gore a kope Modimo gore a segofatse phuthego e fa le ya kwa malwapeng a lona.

Mokaulengwe Iverson, tla kwano ko pele, fa re santse re obile ditlhogo tsa rona. Modimo a le segofatse, mokaulengwe.



www.messagehub.info

Thero Ka

William Marrion Branham

"... Mo Metlheng ya Lentswe la Moengele wa Bosupa ..." Tshenolo
(10:7)